

萃巖疏鈔

七十一
七十二

C40
4514



10

1 2 3 4 5 6 7 8 9

20

1 2 3 4 5 6 7 8 9

30

1 2 3 4 5 6 7 8 9

C40-4614

了翁上來請六載及有
家書置之於慈雲山
我微茲望院庭中木
為學者不以詩出聲內
當山二世鐵牛禪謹



B 64853

大方廣佛華嚴經疏鈔卷七十

于闐國三藏沙門實叉難陀

譯

清涼山大華嚴寺沙門澄觀撰述

入法界品第三十九之十一

爾時善財童子於喜日觀察衆生夜神所聞普喜幢
解脫門信解趣入了知隨順思惟修習念善知識所
有教誨心無暫捨諸根不散一心願得見善知識普
於十方勤求匪懈願常親近生諸功德與善知識同
一善根得善知識巧方便行依善知識入精進海於
無量劫常不遠離作是願已往詣普救衆生妙德夜

10 1 2 3 4 5 6 7 8 9

20 1 2 3 4 5 6 7 8 9

30

撰述

毒羅門金卷一

神所。

疏第四普救衆生妙德夜神寄焰慧地。鈔寄燄慧者。謂安住最勝菩提分法燒煩惱薪慧燄增故。疏文但有五一三合故第一依教趣求中先修入前法後一心願得下趣求後友。

時彼夜神爲善財童子示現菩薩調伏衆生解脫神力以諸相好莊嚴其身於兩眉間放大光明名智燈音照清淨幢無量光明以爲眷屬其光普照一切世間照世間已入善財頂充滿其身。

疏第二時彼夜神下聞見法界卽合一三謂約善

財則是見敬若約夜神所現卽是解脫業用便爲默授法界若約二文開辨則先明見敬詔問後答因緣方爲正授法界今依合科總分爲四一現光加持二蒙光獲益三三業敬讚四問答因緣今初調伏衆生解脫卽光所依是已法門名體可知。善財爾時卽得究竟清淨輪三昧。

疏第二善財爾時下蒙光獲益謂得三昧見大用故於中二先得定謂三業六根皆離障故云究竟清淨卽淨智圓滿摧障爲輪故所見無礙。得此三昧已悉見二神兩處中間所有一切地塵水

塵。及以火塵。金剛摩尼衆寶微塵。華香纓絡諸莊嚴具。如是一切所有微塵。

疏後得此三昧下。明見大用於中二。先見用所依處。

一一塵中。各見佛刹微塵數世界成壞。及見一切地水火風諸大積聚。亦見一切世界接連。皆以地輪任持。而持種種山海。種種河池。種種樹林。種種宮殿。所謂天宮殿。龍宮殿。夜叉宮殿。乃至摩睺羅伽人。非人等宮殿屋宅。地獄畜生。闍羅王界。一切住處諸趣輪轉。生死往來隨業受報。各各差別靡不悉見。

疏後一一塵中下。明所見事於中三。一所化處二能化益三所化意前中二。一總明處類。

又見一切世界差別。所謂或有世界雜穢。或有世界清淨。或有世界趣雜穢。或有世界趣清淨。或有世界雜穢清淨。或有世界清淨雜穢。或有世界一向清淨。或有世界其形平正。或有覆在。或有側住。

疏二。又見下別明塵中之刹趣雜穢等者。轉變向染淨故。雜染清淨者染多故。下句反此。一向清淨者。對上二故。初之二句乃是總明。

如是等一切世界。一切趣中。悉見此普救衆生夜神。

10 1 2 3 4 5 6 7 8 9 10 1 2 3 4 5 6 7 8 9 10

於一切時。一切處。隨諸衆生形貌言辭。行解差別。以方便力。普現其前。隨宜化度。

疏二如是等下明能化益亦一先總明。

令地獄衆生免諸苦毒。令畜生衆生不相食噉。令餓鬼衆生無有饑渴。令諸龍等離一切怖。令欲界衆生離欲界苦。令人趣衆生離暗夜怖。毀呰怖。惡名怖。大衆怖。不活怖。死怖。惡道怖。斷善根怖。退菩提心怖。遇惡知識怖。離善知識怖。墮三乘地怖。種種生死怖。異類衆生同住怖。惡時受生怖。惡種族中受生怖。造惡業怖。業煩惱障怖。執著諸想繫縛怖。如是等怖悉令

捨離。又見一切衆生卵生胎生濕生化生有色無色有想無想非有想非無想。普現其前常勤救護。

疏後令地獄下別顯於中先化五道後又見一切衆生下明化九類。

爲成就菩薩大願力故深入菩薩三昧力故堅固菩薩神通力故出生普賢行願力故增廣菩薩大悲海故得普覆衆生無礙大慈故得普與衆生無量喜樂故得普攝一切衆生智慧方便故得菩薩廣大解脫自在神通故嚴淨一切佛刹故覺了一切諸法故供養一切諸佛故受持一切佛教故積集一切善根修一

懶述

華嚴藏鏡卷十一

四

一切妙行故。入一切衆生心海而無障礙故。知一切衆生諸根教化成熟故。淨一切衆生信解除其惡障故。破一切衆生無知黑闇故。令得一切智清淨光明故。疏三爲成就下明化意中爲成諸法通能所化時善財童子見此夜神如是神力不可思議甚深境界普現調伏一切衆生菩薩解脫已歡喜無量頭面作禮一心瞻仰。

疏第三時善財童子見此下三業敬讚中二初身心敬重。

自在神力。

疏一時彼夜神下顯友自在。

爾時善財童子恭敬合掌却住一面以偈讚曰。

我善財得見如是大神力。其心生歡喜說偈而讚歎我見尊妙身衆相以莊嚴譬如空中星一切悉嚴淨所放殊勝光無量刹塵數種種微妙色普照於十方一一毛孔放衆生心數光一一光明端皆出寶蓮華華中出化身能滅衆生苦光中出妙香普熏於衆生復雨種種華供養一切佛兩眉放妙光量與須彌等普觸諸含識令滅愚癡闇口放清淨光譬如無量日。

普照於廣大。毘盧舍那境。眼放清淨光。譬如無量月。普照十方刹。悉滅世癡翳。現化種種身。相狀等衆生。充滿十方界。度脫三有海。妙身徧十方。普現衆生前。滅除水火賊王等一切怖。我承喜日教。今得詣尊所。見尊眉間相。放大清淨光。普照十方海。悉滅一切闇。顯現神通力。而來入我身。我遇圓滿光。心生大歡喜。得總持三昧。普見十方佛。我於所經處。悉見諸微塵。一一微塵中。各見塵數利。或有無量利。一切咸濁穢。衆生受諸苦。常悲歎號泣。或有染淨利。少樂多憂苦。示現三乘像。往彼而救度。或有淨染利。衆生所樂見。一切諸佛所。普皆往供養。

菩薩常充滿。住持諸佛法。一一微塵中。無量淨刹海。毘盧遮那佛。往劫所嚴淨佛。於一切刹。悉坐菩提樹。成道轉法輪。度脫諸羣生。我見普救天。於彼無量刹。述得三昧餘述。見大用。

爾時善財童子說此頌已。白普救衆生妙德夜神言。天神。今此解脱甚深。希有其名何等。得此解脱。其已

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

久如修何等行而得清淨。

疏第四問答因緣中二。先問後答。問中三。一問名。前來標名。集經者言。故此方問。二問得法久近。欲顯久修德遠。故三問修因淨治。求入路故。

夜神言。善男子。是處難知。諸天及人。一切二乘所不能測。何以故。此是住普賢菩薩行者境界故。住大悲藏者。境界故。救護一切衆生者境界故。能淨一切三惡八難者。境界故。能於一切佛刹中紹隆佛種不斷者。境界故。能住持一切佛法者境界故。能於一切劫修菩薩行成滿大願海者境界故。能於一切法界海以清淨智光滅無明闇障者境界故。能以一念智慧光明普照一切三世方便海者境界故。

疏後夜神言下。答中二。先歎深難說。後我承下。承力爲說。今初深相云何。若約得時時久遠故。非久近故。若約修因因行廣故。若通上二。契理深故。若約名說。名如體用故。名者實實。難窮實故。文有合標及徵釋可知。

我承佛力今爲汝說。

疏後承力爲說中。先長行。後偈頌。前中先標許。善男子。乃往古世過佛刹微塵數劫。爾時有劫名圓

10 1 2 3 4 5 6 7 8 9 10 1 2 3 4 5 6 7 8 9 30 1 2 3 4 5 6 7 8 9 10

滿清淨。世界名毘盧遮那大威德。有須彌山微塵數如來於中出現。其佛世界以一切香王摩尼寶爲體。衆寶莊嚴。住無垢光明摩尼王海上。其形正圓。淨穢合成。一切嚴具帳雲而覆其上。一切莊嚴摩尼輪山千市圍繞。有十萬億那由他四天下皆妙莊嚴。或有四天下惡業衆生於中止住。或有四天下雜業衆生於中止住。或有四天下善根衆生於中止住。或有四天下一向清淨諸大菩薩之所止住。此界東際輪圍山側。有四天下名寶燈華幢。國界清淨。飲食豐足。不藉耕耘而生稻梁。宮殿樓閣悉皆奇妙。諸如意樹處。

處行列種種香樹恒出香雲。種種鬱樹恒出鬱雲。種種華樹常雨妙華。種種寶樹出諸奇寶無量色光。周帀照耀諸音樂樹出諸音樂隨風吹動演妙音聲。日月光明摩尼寶王普照一切。晝夜受樂無時間斷。此四天下有百萬億那由他諸王國土。一一國土有千大河。周帀圍繞。一一皆以妙華覆上。隨流漂動。出天樂音。一切寶樹列植其岸。種種珍奇以爲嚴飾。舟船來往。稱情戲樂。一一河間有百萬億城。一一城有百萬億那由他聚落。如是一切城色聚落各有無量百千億那由他宮殿園林。周帀圍繞。此四天下闍浮提。

10 1 2 3 4 5 6 7 8 9 20 1 2 3 4 5 6 7 8 9 30

內有一國土。名寶華燈安隱豐樂。人民熾盛。其中衆生具行十善。有轉輪王於中出現。名毘盧遮那妙寶蓮華髻。於蓮華中忽然化生三十二相。以爲嚴好。七寶具足。王四天下。恒以正法教導羣生。王有千子。端正勇健。能伏怨敵。百萬億那由他宮人嬢女。皆悉與王同種善根。同修諸行。同時誕生。端正殊妙。猶如來女。身真金色。常放光明。諸毛孔中。恒出妙香。良臣猛將。具足千億。王有正妃。名圓滿面。是王女寶。端正殊特。皮膚金色。目髮紺青。言同梵音。身有天香。常放光明。照干由旬。其有一女。名普智。微妙德眼。形體端嚴。色相殊美。衆生見者。情無厭足。爾時衆生壽命無量。或有不定而中夭者。種種形色。種種音聲。種種名字。種種族姓。愚智勇怯。貧富苦樂。無量品類。皆悉不同。時或有人語餘人言。我身端正。汝形鄙陋。作是語已。遞相毀辱。集不善業。以是業故。壽命色力。一切樂事。悉皆損減。

疏後善男子下。正說於中。一先通答三問。後別答修行治淨問。今初分三。一答得法久近。二明發心之始。三結會古今。今初十段。一總舉劫刹佛興。已畧酬其久近。二其佛世界下。通顯利相。三此界東

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

際下別顯生處。四有轉輪王下。明本生父母。五一
有一女下。明本生身。六爾時衆生下。衆生起惡爲
佛現因。七時彼城北下。佛興益物。八時普賢下。明
善友引導。九時轉輪王女下。明德女修因。十普智
寶談下。聞經得益。前六可知。

時彼城北有菩提樹。名普光法雲音幢。以念念出現
一切如來道場。莊嚴堅固。摩尼王以爲其根。一切摩
尼以爲其幹。衆雜妙寶以爲其葉。次第分布。並相稱
可。四方上下。圓滿莊嚴。放寶光明。出妙音聲。說一切
如來甚深境界。於彼樹前。有一香池。名寶華光明演
法雷音。妙寶爲岸。百萬億那由他寶樹圍繞。一一樹
形。如菩提樹。衆寶瓔珞。周匝垂下。無量樓閣。皆寶所
成。周徧道場。以爲嚴飾。彼香池內。出大蓮華。名普現
三世一切如來莊嚴境界雲。

疏就第七佛興益物中三。明得道之場。
須彌山微塵數佛於中出現。

疏一須彌山下。總顯佛數。

其第一佛。名普智寶。談妙德幢。於此華上最初得阿
耨多羅三藐二菩提。無量千歲演說正法。成熟衆生。
疏三其第一下。別明初佛。於中七。總明成道。

1 2 3 4 5 6 7 8 9 10 1 2 3 4 5 6 7 8 9 10

其彼如來。未成佛時。十千年前。此大蓮華放淨光明。名現諸神通。成熟衆生。若有衆生遇斯光者。心自開悟。無所不了。知十千年後佛當出現。九千年前放淨光明。名一切衆生離垢燈。若有衆生遇斯光者。得清淨眼。見一切色。知九千年後佛當出現。八千年前放大光明。名一切衆生業果音。若有衆生遇斯光者。悉得自知諸業果報。知八千年後佛當出現。七千年前放大光明。名生一切善根音。若有衆生遇斯光者。一切諸根悉得圓滿。知七千年後佛當出現。六千年前放大光明。名佛不思議境界音。若有衆生遇斯光者。

其心廣大。普得自在。知六千年後佛當出現。五千年前放大光明。名嚴淨一切佛刹音。若有衆生遇斯光者。悉見一切清淨佛土。知五千年後佛當出現。四千年前放大光明。名一切如來境界無差別燈。若有衆生遇斯光者。悉能往觀。一切諸佛。知四千年後佛當出現。三千年前放大光明。名三世明燈。若有衆生遇斯光者。悉能現見一切如來諸本事海。知三千年後佛當出現。二千年前放大光明。名如來離翳智慧燈。若有衆生遇斯光者。則得普眼。見一切如來神變。一切諸佛國土。一切世界衆生。知二千年後佛當出現。

一千年前放大光明。名令一切衆生見佛集諸善根。若有衆生遇斯光者。則得成就見佛三昧。知一千年后佛當出現。次七日前放大光明。名一切衆生歡喜音。若有衆生遇斯光者。得普見諸佛生大歡喜。知七日後佛當出現。

疏一其彼如來下成道前相謂放光調機有十一重。一一重中各有光名業用成益以益對名可以思準。若約表法。則前十爲次第十度光。後一爲圓融十度光。以此照心。則自智出現。

滿七日已。一切世界悉皆震動。純淨無染念念普現上方一切清淨佛刹。亦現彼刹種種莊嚴。若有衆生根性淳熟。應見佛者。咸詣道場。

疏三滿七日已下動刹集衆。

爾時彼世界中一切輪圍。一切須彌。一切諸山。一切大海。一切地。一切城。一切垣牆。一切宮殿。一切音樂。一切語言。皆出音聲讚說。一切諸佛如來神力境界。又出一切香雲。一切燒香雲。一切木香雲。一切香摩尼形像雲。一切寶燄雲。一切燄藏雲。一切摩尼衣雲。一切瓊珞雲。一切妙華雲。一切如來光明雲。一切如來圓光雲。一切音樂雲。一切如來願聲雲。一切如來

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

言音海雲。一切如來相好雲顯示如來出現世間不思議相。

疏四爾時彼世界中下現相顯德。

善男子此普照三世一切如來莊嚴境界大寶蓮華王有十佛刹微塵數蓮華周帀圍繞諸蓮華內悉有摩尼寶藏師子之座。一一座上皆有菩薩結跏趺坐。

疏五善男子此普照下明成道依正。

善男子彼普智寶燄妙德幢王如來於此成阿耨多羅三藐三菩提時卽於十方一切世界中成阿耨多羅三藐三菩提。

疏六善男子彼普智寶燄下始成正覺。一成一切成故。

隨衆生心悉現其前爲轉法輪於一世界令無量衆生離惡道苦令無量衆生得生天中令無量衆生住於聲聞辟支佛地令無量衆生成就出離菩提之行令無量衆生成就勇猛幢菩提之行令無量衆生成就法光明菩提之行令無量衆生成就清淨根菩提之行令無量衆生成就平等力菩提之行令無量衆生成就入法城菩提之行令無量衆生成就徧至一切處不可壞神通力菩提之行令無量衆生入普

門方便道菩提之行。令無量衆生安住三昧門。菩提之行。令無量衆生成就緣一切清淨境界。菩提之行。令無量衆生發菩提心。令無量衆生住菩薩道。令無量衆生安住清淨波羅蜜道。令無量衆生住菩薩初地。令無量衆生住菩薩二地。乃至十地。令無量衆生入於菩薩殊勝行願。令無量衆生安住普賢清淨行願。善男子。彼普智寶談妙德幢如來。現如是不可思議自在神力。轉法輪時。於彼一一諸世界中。隨其所應。念念調伏無量衆生。

疏七隨衆生心下。轉正法輪。於中二初總標轉法。

二於一一下。顯其成益。於中初益凡夫次益二乘後益菩薩。菩薩中先成行。後發菩提心下成位。菩提心是住位。菩薩道是行位。淨波羅蜜是迴向位。以大願海淨治前度故。後一句是等覺位。二善男子。彼普智下。結無間斷。鈔後一句是等覺者。不言十地者。上二句文十地顯故。餘位義引故。別指耳。

時普賢菩薩知寶華燈王城中衆生自恃色貌。及諸境界。而生憍慢。陵篾他人。化現妙身。端正殊特。往詣彼城。放大光明。普照一切。令彼聖王及諸妙寶日月。

星宿衆生身等一切光明。悉皆不現。譬如日出。衆景奪曜。亦如聚墨對闇。浮金時諸衆生咸作是言。此爲是誰爲天爲梵。今放此光。令我等身所有光色。皆不顯現。種種思惟無能解了。爾時普賢菩薩在彼輪王寶宮殿上。虛空中住。而告之言。大王當知。今汝國中有佛興世。在普光明法雲音幢菩提樹下。時聖王女蓮華妙眼見普賢菩薩所現色身光明自在。及聞身上諸莊嚴具所出妙音。心生歡喜。作如是念。願我所有一切善根。得如是身。如是莊嚴。如是相好。如是威儀。如是自在。今此大聖能於衆生生死長夜黑闇之中。放大光明。開示如來出興於世。願令於我亦得如是。爲諸衆生作智光明。破彼所有無知黑闇。願我在受生之處。常得不離此善知識。

疏第八善友引導中六。一知機起惡。一化現妙身。下現身超勝。三時諸衆生下。物機驚恠。四爾時普賢下。告語佛興。五時聖王女下。女發大心。亦是入法之因。

善男子。時轉輪王與其寶女千子眷屬大臣輔佐。四種兵衆。及其城內無量人民。前後圍繞。以王神力。俱升虛空。高一由旬。放大光明。照四天下。普使一切咸

10 1 2 3 4 5 6 7 8 9 30 1 2 3 4 5 6 7 8 9

龍藏藏經卷十一

書

得瞻仰欲令衆生俱往見佛以偈讚曰。

如來出世間。普救諸羣生。汝等應速起往詣導師所。
無量無數劫。乃有佛興世。演說深妙法。饒益一切衆。
佛觀諸世間。顛倒常疑惑。輪迴生死苦。而起大悲心。
無數億千劫。修習菩提行。爲欲度衆生。斯由大悲力。
頭目手足等。一切悉能捨。爲求菩提故。如是無量劫。
無量億千劫。導師難可遇。見聞若本事。一切無空過。
今當共汝等。往觀調御尊。坐於如來座。降魔成正覺。
瞻仰如來身。放演無量光。種種微妙色。除滅一切暗。
一一毛孔中。放光不思議。普照諸羣生。咸令大歡喜。

汝等咸應發廣大精進心。詣彼如來所。恭敬而供養。
疏六善男子時轉輪王下。父王詣佛於中。四一身
處虛空。以偈讚引於中。十偈初一總勸。次五偈
釋勸。後四偈結勸。勝故應往。

爾時轉輪聖王說偈讚佛。開悟一切衆生已。從輪王
善根出十千種大供養雲。往詣道場。向如來所。所謂
一切寶蓋雲。一切華帳雲。一切寶衣雲。一切寶鈴網
雲。一切香海雲。一切寶座雲。一切寶幢雲。一切宮殿
雲。一切妙華雲。一切諸莊嚴具雲。於虛空中周徧嚴
飾。到已頂禮普智寶。談妙德。幢王如來足繞無量百

撰述

華嚴疏錄卷第十一

北

千市卽於佛前坐普照十方寶蓮華座。

疏三爾時下廣興供雲。到已下至彼修敬。

時轉輪王女普智燄妙德眼。卽解身上諸莊嚴具。持以散佛。時莊嚴具於虛空中變成寶蓋。寶網垂下。龍王執持。一切宮殿於中間列。十種寶蓋周市圍繞。形如樓閣。內外清淨。諸瓔珞雲及諸寶樹。香海摩尼。以爲莊嚴。於此蓋中有菩提樹枝葉榮茂。普覆法界。念示現無量莊嚴。毘盧遮那如來坐此樹下。有不可說佛利微塵數菩薩。前後圍繞。皆從普賢行願出生。住諸菩薩無差別住。亦見有一切諸世間王。亦見如

來自在神力。又見一切諸劫次第。世界成壞。又亦見彼一切世界。一切諸佛出興次第。又亦見彼一切世界。一一皆有普賢菩薩供養於佛。調伏衆生。又亦見彼一切菩薩。莫不皆在普賢身中。亦見自身在其身內。亦見其身在一切如來前。一切普賢前。一切菩薩前。一切衆生前。又亦見彼一切世界。一一各有佛刹微塵數世界。種種際畔。種種任持。種種形狀。種種體性。種種安布。種種莊嚴。種種清淨。種種莊嚴雲而覆其上。種種劫名。種種佛興。種種三世。種種方處。種種住法界。種種入法界。種種住虛空。種種如來菩提場。

種種如來神通力。種種如來師子座。種種如來大衆海。種種如來衆差別。種種如來巧方便。種種如來轉法輪。種種如來妙音聲。種種如來言說海。種種如來契經雲。既見是已。其心清淨。生大歡喜。

疏第九德女修因。於中二一嚴具奉佛表修萬行。向佛果故。二時莊嚴下見佛現變表因小果大故。二既見是已下覩變獲益。

普智寶燄妙德幢王如來爲說修多羅名。一切如來轉法輪十佛刹微塵數修多羅而爲眷屬。

疏第十聞經得益中三一佛爲說經。從總相爲名。

時彼女人聞此經已。則得成就十三昧門。其心柔軟無有籠疆。如初受胎始誕生。如娑羅樹初始生芽。彼三昧心亦復如是。所謂現見一切佛三昧。普照一切利三昧。入一切三世門三昧。說一切佛法輪三昧。知一切佛願海三昧。開悟一切衆生。令出生死苦三昧。常願破一切衆生闇三昧。常願滅一切衆生苦三昧。常願生一切衆生樂三昧。教化一切衆生不生疲厭三昧。一切菩薩無障礙幢三昧。普詣一切清淨佛刹三昧。得如是等十三三昧已。復得妙定心。不動心歡喜心。安慰心。廣大心。順善知識心。緣甚深一切。

10 1 2 3 4 5 6 7 8 9 20 30 1 2 3 4 5 6 7 8 9 30 1 2 3 4 5 6 7 8 9

智心住廣大方便海心捨離一切執著心不住一切世間境界心入如來境界心普照一切色海心無惱害心無高倨心無疲倦心無退轉心無懈怠心思惟諸法自性心安住一切法門海心觀察一切法門海心了知一切衆生海心救護一切衆生海心普照一切世界海心普生一切佛願海心悉破一切障山心積集福德助道心現見諸佛十力心普照菩薩境界心增長菩薩助道心徧緣一切方海心一心思惟普賢大願發一切如來十佛刹微塵數願海願嚴淨一切佛國願調伏一切衆生願徧知一切法界願普入一切法界海願於一切佛刹盡未來際劫修菩薩行願盡未來際劫不捨一切菩薩行願得親近一切如來願得承事一切善友願得供養一切諸佛願於念念中修菩薩行增一切智無有間斷發如是等十佛刹微塵數願海成就普賢所有大願

疏二時彼女人下正明聞益於中亦三初得三昧益文有總別次得如是等下得大心益卽悲智等心後一心思惟下成大願益上之三益卽調伏衆生解脫三事皆調伏之法故

時彼如來復爲其女開示演說發心已來所集善根

10 1 2 3 4 5 6 7 8 9

20 1 2 3 4 5 6 7 8 9

30

撰述

華嚴經金言卷第十一

十一

大

所修妙行。所得大果。令其開悟成就。如來所有願海。一心趣向。一切智位。

疏三時彼如來復爲下顯發昔因。

善男子復於此前過十大劫。有世界名日輪光摩尼佛號因陀羅幢妙相。此妙眼女於彼如來遺法之中。普賢菩薩勸其修補蓮華座上故壞佛像。既修補已。而復彩畫既彩畫已。復寶莊嚴發阿耨多羅三藐三菩提心。善男子我念過去由普賢菩薩善知識故。種此善根。從是已來不墮惡趣。常於一切天王人王種族中生。端正可喜。衆相圓滿。令人樂見。常見於佛。常

得親近普賢菩薩。乃至於今示導開悟成熟於我。今生歡喜。

疏第二善男子復於此前下明發心之始於此前者。卽得法劫之前也。顯前得法非無因也。

善男子於意云何。爾時毘盧遮那藏妙寶蓮華髻轉輪聖王者。豈異人乎。今彌勒菩薩是時王妃圓滿面者寂靜音海夜神是今所住處去此不遠。時妙德眼童女者。卽我身是我於彼時身爲童女。普賢菩薩勸我修補蓮華座像以爲無上菩提因緣。令我發於阿耨多羅三藐三菩提心。我於彼時初始發心。次復引

10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷之十一

導令我得見妙德幢佛解身瓔珞散佛供養見佛神力聞佛說法卽得菩薩普現一切世間調伏衆生解脫門於念念中見須彌山微塵數佛亦見彼佛道場衆會清淨國土我皆尊重恭敬供養聽聞說法依教修行

疏第三善男子於意云何下結會古今於中三初結會得法時身次我於彼時下結發心之始後次復引導下正結得法此方酬其名卽前三益

善男子過彼毘盧遮那大威德世界圓滿清淨劫已次有世界名寶輪妙莊嚴劫名大光有五百佛於中出現我皆承事恭敬供養

疏第二善男子過彼毘盧下別答修行淨治前有聞法修行是得法之前此是得法之後於中二一別舉大光劫二善男子此世界中下總顯諸劫今初分三初總明

其最初佛名大悲幢初出家時我爲夜神恭敬供養次有佛出名金剛那羅延幢我爲轉輪王恭敬供養其佛爲我說修多羅名一切佛出現十佛刹微塵數修多羅以爲眷屬次有佛出名金剛無礙德我於彼時爲轉輪王恭敬供養其佛爲我說修多羅名普照

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8 9

撰述

聖嚴陀羅經卷十一

三

一切衆生根須彌山微塵數修多羅而爲眷屬。我皆受持。次有佛出名火燄山妙莊嚴我於彼時爲長者女。其佛爲我說修多羅名普照三世藏闇浮提微塵數修多羅而爲眷屬。我皆聽聞如法受持。次有佛出名一切法海高勝王我爲阿修羅王恭敬供養其佛爲我說修多羅名分別一切法界五百修多羅而爲眷屬。我皆聽聞如法受持。次有佛出名海獄法光明我爲龍王女雨如意摩尼寶雲而爲供養其佛爲我說修多羅名增長歡喜海百萬億修多羅而爲眷屬我皆聽聞如法受持。次有佛出名寶燄山燈我爲海

神雨寶蓮華雲恭敬供養其佛爲我說修多羅名法界方便海光明佛刹微塵數修多羅而爲眷屬我皆聽聞如法受持。次有佛出名功德海光明輪我於彼時爲五通仙現大神通六萬諸仙前後圍遶雨香華雲而爲供養其佛爲我說修多羅名無著法燈六萬修多羅而爲眷屬我皆聽聞如法受持。次有佛出名毘盧遮那功德藏我於彼時爲王地神名出生平等義與無量地神俱雨一切寶樹一切摩尼藏一切寶瓔珞雲而爲供養其佛爲我說修多羅名出生一切如來智藏無量修多羅而爲眷屬我皆聽聞受持不

撰述

華嚴疏金卷十一

三

八

忘。

疏次其最初佛下別顯其中經名說者當演善男子。如是次第。其最後佛名充滿虛空法界妙德燈我爲妓女名曰美顏見佛入城歌舞供養承佛神力。漏在空中以千偈頌讚歎於佛。佛爲於我放眉間光名莊嚴法界大光明徧觸我身。我蒙光已卽得解脱門。名法界方便不退藏。

疏後善男子如是下顯其最後。

善男子此世界中有如是等佛刹微塵數劫。一切如來於中出現我皆承事恭敬供養彼諸如來所說正法我皆憶念乃至不忘一文一句於彼一一諸如來所稱揚讚歎一切佛法爲無量衆生廣作利益於彼一一諸如來所得一切智光明現三世法界海。入一切普賢行善男子我依一切智光明故於念念中見無量佛旣見佛已先所未得先所未見普賢諸行悉得成滿何以故以得一切智光明故。

疏二總顯諸劫中三初總標次彼諸如來下得法修行後善男子我依下見佛行成。

爾時普救衆生夜神欲重明此解脫義承佛神力爲善財童子而說頌言。

善財聽我說甚深難見法普照於二世一切差別門如我初發心專求佛功德所入諸解脫汝今應諦聽疏第一偈頌四十一偈分二初二偈舉法誠聽次三十八偈頌前正說後一偈舉因勸修今初卽頌前標許。

我念過去世過利微塵劫次前有一劫名圓滿清淨是時有世界名爲徧照燈須彌塵數佛於中出興世初佛名智燄次佛名法幢第三法須彌第四德師子第五寂靜王第六滅諸見第七高名稱八大功德第九名勝日第十名月面於此十佛所最初悟法門。

從此後次第復有十佛出初名虛空處第一名普光三名住諸方四名正念海五名高勝光六名湧彌雲七名法燄佛八名山勝佛九名大悲華十名法界華此十出現時第二悟法門從此後次第復有十佛出第一光幢佛第二智慧佛第三心義佛第四德王佛第五天慧佛第六慧王佛第七勝智佛第八光王佛第九勇猛佛第十蓮華佛於此十佛所第三悟法門從此後次第復有十佛出第一寶燄山第二功德海第三法光明第四蓮華藏第五衆生眼第六香光寶七須彌功德八乾闥婆王第九摩尼藏第十寂靜色。

漢文

卷十一

三

從此後次第復有十佛出。初佛廣大智。次佛寶光明。
 第三虛空雲。第四殊勝相。第五圓滿戒。第六那羅延。
 第七須彌德。第八功德輪。第九無勝幢。第十大樹山。
 從此後次第復有十佛出。第一娑羅歲。第二世王身。
 第三高顯光。第四金剛照。第五地威力。第六甚深法。
 第七法慧音。第八須彌幢。第九勝光明。第十妙寶光。
 從此後次第復有十佛出。第一梵光明。第二虛空音。
 第三法界身。第四光明輪。第五智慧幢。第六虛空燈。
 第七微妙德。第八徧照光。第九勝福光。第十大悲雲。
 從此後次第復有十佛出。第一力光慧。第二普現前。

第二高顯光。第四光明身。第五法起佛。第六寶相佛。
 第七速疾風。第八勇猛幢。第九妙寶蓋。第十照三世。
 從此後次第復有十佛出。第一願海光。第二金剛身。
 第三須彌德。第四念幢王。第五功德慧。第六智慧燈。
 第七光明幢。第八廣大智。第九法界智。第十法海智。
 從此後次第復有十佛出。初名布施法。次名功德輪。
 三名勝妙雲。四名忍智燈。五名寂靜音。六名寂靜幢。
 七名世間燈。八名深大願。九名無勝幢。十名智燄海。
 從此後次第復有十佛出。初佛法自在。二佛無礙慧。
 三名意海慧。四名衆妙音。五名自在施。六名普現前。

擇述

華嚴疏卷第一

三

七名隨樂身八名住勝德第九本性佛第十賢德佛。疏就頌正說中通頌得法久近及修行清淨於中二先三十六偈頌最初一劫廣前長行有百一十佛表十地等覺各以初佛爲王餘九爲伴思之須彌塵數劫此中所有佛普作世間燈我悉曾供養佛刹微塵劫所有佛出現我皆曾供養入此解脫門疏後二偈頌前總顯諸劫亦表智滿行圓無非佛教故

我於無量劫修行得此道汝若能修行不久亦當得

疏後一偈舉因勸修

善男子我唯知此菩薩普現一切世間調伏衆生解脫如諸菩薩摩訶薩集無邊行生種種解現種種身具種種根滿種種願入種種三昧起種種神變能種種觀察法入種種智慧門得種種法光明而我云何能知能說彼功德行。

疏三謙已推勝

善男子去此不遠有王夜神名寂靜音海坐摩尼光幢莊嚴蓮華座百萬阿僧祇王夜神前後圍繞汝詣彼問菩薩云何學菩薩行修菩薩道。

疏第四去此不遠下指示後友亦以證同又禪依

進發故云不遠禪故寂靜入俗演法化物深廣故
云音海然此神卽普救之母表真精進却從定生
起心動念是妄非進故餘可知鈔表真精進却
從定生真精進者離身心故非定無此時善財童子頂禮其足達無數帀殷勤瞻仰辭退而去

佛弟子成廣易捐資四兩二錢三分二釐刻此

一卷

大方廣佛華嚴經疏鈔卷七十

畢

大方廣佛華嚴經疏鈔卷七十一

于闐國三藏沙門實叉難陀譯

入法界品第三十九之十二

清涼山大華嚴寺沙門澄觀撰述

爾時善財童子於普救衆生妙德夜神所聞菩薩普
現一切世間調伏衆生解脫門了知信解自在安住
而往寂靜音海夜神所

疏第五寂靜音海夜神寄難勝地文中具六第一
依教趣求鈔寄難勝地者謂真俗兩智行相互
違合令相應極難勝故

撰述

圭房正金卷十一

頂禮其足。繞無數匝。於前合掌而作是言。聖者。我已先發阿耨多羅三藐三菩提心。我欲依善知識學。善薩行。入菩薩行。修菩薩行。住菩薩行。唯願慈哀爲我宣說。菩薩云何學菩薩行。云何修菩薩道。

疏第二頂禮其足下見敬詰問。

時彼夜神告善財言。善哉善哉。善男子。汝能依善知識求菩薩行。善男子。我得菩薩念念出生廣大喜莊嚴解脫門。

疏第三時彼夜神下稱讚授法於中先讚後善男子我得下正授法界於中二先畧標名體準下有二意。一化生遂志故生喜。卽福德莊嚴。二觀佛菩薩勝用故歡喜。卽智慧莊嚴。觀化旣無間斷。故喜亦念念出生。

善財言。大聖此解脫門爲何事業。行何境界。起何方便。作何觀察。

疏後善財言下廣顯其相於中二初顯解脫業用。次明解脫所因。後彰發心久近各有問答。今初先問有四。一問所起業用。二問所行之境。三問能起方便。成上所起。四問能觀之觀成上所行。

夜神言。善男子。我發起清淨平等樂欲心。我發起離

撰述

華嚴疏金卷十一

一切世間塵垢清淨堅固莊嚴不可壞樂欲心我發
 起攀緣不退轉位永不退轉心我發起莊嚴功德寶
 山不動心我發起無住處心我發起普現一切衆生
 前救護心我發起見一切佛海無厭足心我發起求
 一切菩薩清淨願力心我發起住大智光明海心我
 發起令一切衆生超過憂惱曠野心我發起令一切
 衆生捨離愁憂苦惱心我發起令一切衆生捨離不
 可意色聲香味觸法心我發起令一切衆生捨離愛
 別離苦怨憎會苦心我發起令一切衆生捨離惡緣
 愚癡等苦心我發起與一切險難衆生作依怙心我
 發起令一切衆生出生死苦處心我發起令一切衆
 生捨離生老病死等苦心我發起令一切衆生成就
 如來無上法樂心我發起令一切衆生皆受喜樂心
 疏後答中卽分爲四初答起何方便以悲智雙運
 等心爲能起之方便二發是心已下答爲何事業
 正以化生爲事業故三復次善男子我常觀察下
 答作何觀察謂觀察菩薩如來四又善男子此解
 脫無邊下答行何境界以無邊無盡甚深廣大能
 所不二爲所行境問中欲顯能所別故先問所成
 後問能成答中欲顯能所相成故隔句相屬又由

撰述

華嚴疏錄卷十一

三

能起所。故先辨能。又觀察中。雖有所觀意在能觀。所行境中。雖是所行。而義兼能所。故四問全別。是以晉經行何境界。名境界云何。此則兼通分齊之境。非但所觀。鈔中欲下。第二料揀於中有四。初正通不次之妨。初答第三。二答第一。三答第四。四答第二。故爲不次。今釋意云。問中初二。是所成故。三四是能成故。三成於初。四成於二。故今答中。以第二能成。成第一所成。故先答第三。次答第一。以第四能成。成第二所成。故後答四。一也。又由能起所下。二通伏難也。難云。隔句相對。於理甚明。而其

二對問中。何以先明所成。答中何以先答能成。故今釋云。由能成所。故先答能。復應問言。問中何以不先問能。故應答言。問覩所成。求能成故。見果推因。猶如四諦疏不明者。意易見故。又觀察中下。三通雜亂難。謂有問言。若以觀察爲能成者。何故答中有所觀耶。所行之境。是所成者。何以境中有能成行耶。故今答云。觀察之中。雖有所觀。爲成能觀。如般若中。雖有實相。爲成智慧。所行境中。若能若所。皆是所行。如諸菩薩行深般若。能觀所觀。皆所行矣。四問全別下。四結引證。兼結彈古人。古人以

撰述

華嚴疏卷十一

四

第一所起方便。及第二事業。皆答第一事業之間。
 以其第三答觀察。雙答第二第四兩問。以觀察境
 界。不相離故。以答第四行何境界。却答第三起方
 便問。若爲此釋。非但四答相不分明。抑亦答不次
 第雜亂。故疏釋竟。今乃結云。四問全別。晉經中下。
 引經正證。所行境中有能行義。謂若所知境。唯是
 所行。若分齊境。卽有能行。是故疏云。非但所觀。以
 晉境界。含能觀故。

疏今初能起方便中。有二十心。前十起上求大智
 心。後我發起令一切衆生超過下十心。下化大悲

心

發是心已。復爲說法。令其漸至一切智地。

疏第二答所作事業中。有標釋結。初標可知。

所謂若見衆生樂著所住宮殿屋宅。我爲說法。令其
 了達諸法自性。離諸執著。若見衆生戀著父母兄弟
 姉妹。我爲說法。令其得預諸佛菩薩清淨衆會。若見
 衆生戀著妻子。我爲說法。令其捨離生死愛染。起大
 悲心。於一切衆生平等無二。若見衆生住於王宮。妓
 女侍奉。我爲說法。令其得與衆聖集會。入如來教。若
 見衆生染著境界。我爲說法。令其得入如來境界。若

撰述

聖嚴正錄卷十一

五

見衆生多瞋恚者。我爲說法。令住如來忍波羅蜜。若見衆生。其心懈怠。我爲說法。令得清淨精進波羅蜜。若見衆生。其心散亂。我爲說法。令得如來禪波羅蜜。若見衆生入見稠林無明闇障。我爲說法。令得出離稠林黑暗。若見衆生無智慧者。我爲說法。令得般若波羅蜜。若見衆生染著三界。我爲說法。令出生死。若見衆生志意下劣。我爲說法。令其圓滿佛菩提願。若見衆生住自利行。我爲說法。令其發起利益一切諸衆生願。若見衆生志力微弱。我爲說法。令得菩薩力波羅蜜。若見衆生愚癡闇心。我爲說法。令得菩薩智波羅蜜。若見衆生愚癡闇心。我爲說法。令得菩薩智波羅蜜。

波羅蜜。

疏一。所謂下別釋。有三十七門。分三。初十五門隨其便宜。以十度化治其十蔽。於中初五門雙明捨戒。以捨一切著。則戒淨故。後十心明餘八度。而般若及願。各有二門。

若見衆生色相不具。我爲說法。令得如來清淨色身。若見衆生形容醜陋。我爲說法。令得無上清淨法身。若見衆生色相麁惡。我爲說法。令得如來微妙色身。若見衆生情多憂惱。我爲說法。令得如來畢竟安樂。若見衆生貧窮所苦。我爲說法。令得菩薩功德寶藏。

撰述

聖嚴疏卷十一

是

若見衆生。住止園林。我爲說法。令彼勤求佛法。因緣若見衆生。行於道路。我爲說法。令其趣向一切智道。若見衆生。在聚落中。我爲說法。令出三界。若見衆生。住止人間。我爲說法。令其超越二乘之道。住如來地。若見衆生。居住城郭。我爲說法。令其得住法王城中。若見衆生。住於四隅。我爲說法。令得三世平等智慧。若見衆生。住於諸方。我爲說法。令得智慧。見一切法。疏次色相不具下。有十二門。化無功德衆生。令得

佛因果功德見第一義。

若見衆生。貪行多者。我爲彼說不淨觀門。令其捨離

生死愛染。若見衆生瞋行多者。我爲彼說大慈觀門。令其得入。勤加修習。若見衆生癡行多者。我爲說法。令得明智。觀諸法海。若見衆生等分行者。我爲說法。令其得入諸乘願海。若見衆生樂生死樂。我爲說法。令其厭離。若見衆生厭生死苦。應爲如來所化度者。我爲說法。令能方便示現受生。若見衆生。愛著五蘊。我爲說法。令其得住無依境界。若見衆生。其心下劣。我爲顯示勝莊嚴道。若見衆生。心生憍慢。我爲其說平等法忍。若見衆生。其心詣曲。我爲其說菩薩直心。疏後貪行多者下十門。但以對治門。破其惑障。

撰述

華嚴疏錄卷十一

七

善男子。我以此等無量法施攝諸衆生種種方便教化調伏令離惡道受人天樂脫三界縛住一切智我時便得廣大歡喜法光明海其心怡暢安隱適悅。

疏二善男子我以此等下總結化意見物成益故大歡喜此卽釋名中初意。

復次善男子我常觀察一切菩薩道場衆會修種種願行現種種淨身有種種常光放種種光明以種種方便入一切智門入種種三昧現種種神變出種種音聲海具種種莊嚴身入種種如來門詣種種國土海見種種諸佛海得種種辯才海照種種解脫境得種種智光海入種種三昧海遊戲種種諸解脫門以種種門趣一切智種種莊嚴虛空法界以種種莊嚴雲偏覆虛空觀察種種道場衆會集種種世界入種種佛利詣種種方海受種種如來命從種種如來所與種種菩薩俱雨種種莊嚴雲入如來種種方便觀如來種種法海入種種智慧海坐種種莊嚴座。

疏第三答觀察問中二先觀菩薩境界。

善男子我觀察此道場衆會知佛神力無量無邊生大歡喜。

疏後善男子我觀察此道場下觀佛勝用於中三

撰述

華嚴疏錄卷十一

初結前生後知佛神力下。義當生後故。
 善男子。我觀毘盧遮那如來。念念出現不可思議清
 淨色身。既見是已。生大歡喜。又觀如來於念念中。放
 大光明。充滿法界。既見是已。生大歡喜。又見如來一
 毛孔。念念出現無量佛利微塵數光明海。一一光
 明。以無量佛利微塵數光明而爲眷屬。一周徧一
 切法界。消滅一切諸衆生苦。既見是已。生大歡喜。又
 善男子。我觀如來頂及兩肩。念念出現一切佛利微
 塵數寶。燄山雲。充滿十方。一切法界。既見是已。生大
 歡喜。又善男子。我觀如來一一毛孔。於念念中。出一
 切佛利微塵數香光明雲。充滿十方。一切佛利。既見
 是已。生大歡喜。又善男子。我觀如來一一相。念念出
 一切佛利微塵數諸相莊嚴。如來身雲。徧在十方一
 切世界。既見是已。生大歡喜。又善男子。我觀如來一
 一毛孔。於念念中。出不可說佛利微塵數佛變化雲。
 示現如來從初發心修波羅蜜。具莊嚴道。入菩薩地。
 既見是已。生大歡喜。又善男子。我觀如來一一毛孔。
 念念出現不可說不可說佛利微塵數天王身雲。及
 以天王自在神變。充徧一切十方法界。應以天王身
 而得度者。卽現其前。而爲說法。既見是已。生大歡喜。

撰述

聖嚴政金卷十一

如天王身雲。其龍王夜叉王乾闥婆王阿修羅王迦樓羅王緊那羅王摩睺羅伽王人王梵王身雲莫不皆於一一毛孔如是出現。如是說法。

疏次我觀毘盧下正顯有其十門。

我見是已。於念念中生大歡喜。生大信樂量與法界。薩婆若等。昔所未得而今始得。昔所未證而今始證。昔所未入而今始入。昔所未滿而今始滿。昔所未見而今始見。昔所未聞而今始聞。何以故。以能了知法界相。故知一切法唯一相。故能平等入三世道。故能說一切無邊法。故善男子。我入此菩薩念念出生廣

大喜莊嚴解脫光明海

疏後我見是已於念念下總結。近結前之十門。亦遠結前觀菩薩境以所觀境皆稱性故。於中先標喜成益後何以下徵釋所由。以能觀之大智稱法界之體相。故所生信等。等一切智。

又善男子。此解脫無邊。普入一切法界門故。此解脫無盡。等發一切智性心故。此解脫無際。入無際畔。一切衆生心想中故。此解脫甚深。寂靜智慧所知境故。此解脫廣大。周徧一切如來境故。此解脫無壞。菩薩智眼之所知故。此解脫無底。盡於法界之源底故。此

撰述

華嚴疏錄卷十一

十一

解脫者。卽是普門。於一事中普見一切諸神變故。此解脫者。終不可取。一切法身等無二故。此解脫者。終無有生以能了知如幻法故。此解脫者。猶如影像。一切智願光所生故。此解脫者。猶如變化。化生菩薩諸勝行故。此解脫者。猶如大地爲一切衆生所依處故。此解脫者。猶如大水。能以大悲潤一切故。此解脫者。猶如大火乾竭衆生貪愛水故。此解脫者。猶如大風。令諸衆生速疾趣於一切智故。此解脫者。猶如大海。種種功德莊嚴。一切諸衆生故。此解脫者。如須彌山。出一切智法寶海故。此解脫者。如大城郭。一切妙法。

所莊嚴故。此解脫者。猶如虛空。普容三世佛神力故。此解脫者。猶如大雲。昔爲衆生雨法雨故。此解脫者。猶如淨日。能破衆生無知暗故。此解脫者。猶如滿月。滿足廣大福德海故。此解脫者。猶如真如悉能周徧。一切處故。此解脫者。猶如自影。從自善業所化出故。此解脫者。猶如呼響。隨其所應爲說法故。此解脫者。猶如影像。隨衆生心而照現故。此解脫者。如大樹王。開敷一切神通華故。此解脫者。猶如金剛。從本已來。不可壞故。此解脫者。如意珠。出生無量自在力故。此解脫者。如離垢藏摩尼寶王。示現一切三世如來。

撰述

華嚴疏錄卷十一

諸神力故。此解脫者。如喜幢摩尼寶能平等出一切諸佛法輪聲。故善男子。我今爲汝說此譬喻。汝應思惟。隨順悟入。

疏第四答所行境界問。通二種境。如言入法界門。卽所觀境。發一切智性心。卽分齊境。餘可準思文。中分三初十門法說。次猶如影下二十二門喻說。以深廣相難可知故。後我今爲汝下一句總結勸修。

爾時善財童子白寂靜音海夜神言。大聖云何修行得此解脫。夜神言。善男子。菩薩修行十大法藏。得此

解脫。何等爲十。一修布施廣大法藏。隨衆生心悉令滿足。二修淨戒廣大法藏。普入一切佛功德海。三修堪忍廣大法藏。能偏思惟一切法性。四修精進廣大法藏。趣一切智。恒不退轉。五修禪定廣大法藏。能滅一切衆生熱惱。六修般若廣大法藏。能偏了知一切法海。七修方便廣大法藏。能偏成熟諸衆生海。八修諸願廣大法藏。偏一切佛利。一切衆生海盡未來劫修菩薩行。九修諸力廣大法藏。念念現於一切法界海。一切佛國土成等正覺。常不休息。十修淨智廣大法藏。得如來智。偏知三世一切諸法。無有障礙。善男

撰述

華嚴疏卷十一

子。若諸菩薩安住如是十大法藏。則能獲得如是解脫。清淨增長。積集堅固安住圓滿。

疏第二爾時善財童子下明得解脫因中先問後答。答卽十度爲因可知。

善財童子言聖者汝發阿耨多羅三藐三菩提心其已久如夜神言善男子此華藏莊嚴世界海東過十世界海有世界海名一切淨光寶此世界海中有世界種名一切如來願光明音中有世界名清淨光金莊嚴一切香金剛摩尼王爲體形如樓閣衆妙寶雲以爲其際住於一切寶瓔珞海妙宮殿雲而覆其上淨穢相雜此世界中乃往古世有劫名普光幢國名普滿妙藏道場名一切寶藏妙月光明有佛名不退轉法界音於此成阿耨多羅三藐三菩提我於爾時作菩提樹神名具足福德燈光明幢守護道場我見彼佛成等正覺示現神力發阿耨多羅三藐三菩提心卽於此時獲得三昧名普照如來功德海此道場中次有如來出興於世名法樹威德山我時命終還生此中爲道場主夜神名殊妙福智光見彼如來轉正法輪現大神通卽得三昧名普照一切離食境界次有如來出興於世名一切法海音聲王我於彼時

撰述

華嚴疏鈔卷十一

十一

身爲夜神。因得見佛。承事供養。卽獲三昧。名生長一
切善法地。次有如來。出興於世。名寶光明燈幢王。我
於彼時。身爲夜神。因得見佛。承事供養。卽獲三昧。名
普現神通光明雲。次有如來。出興於世。名功德湧彌
光。我於彼時。身爲夜神。因得見佛。承事供養。卽獲三
昧。名普照諸佛海。次有如來。出興於世。名法雲音聲
王。我於彼時。身爲夜神。因得見佛。承事供養。卽獲三
昧。名一切法海燈。次有如來。出興於世。名智燈照耀
王。我於彼時。身爲夜神。因得見佛。承事供養。卽獲三
昧。名滅一切衆生苦。清淨光明燈。次有如來。出興於

世。名法勇妙德幢。我於彼時。身爲夜神。因得見佛。承
事供養。卽獲三昧。名三世如來光明藏。次有如來。出
興於世。名師子勇猛法智燈。我於彼時。身爲夜神。因
得見佛。承事供養。卽獲三昧。名一切世間無障礙智
慧輪。次有如來。出興於世。名智力山王。我於彼時。身
爲夜神。因得見佛。承事供養。卽獲三昧。名普照三世。
衆生諸根行。善男子。清淨光金莊嚴世界。普光明幢
劫。中有如是等佛利微塵數。如來出興於世。我於彼
時。或爲天王。或爲龍王。或爲夜叉王。或爲乾闥婆王。
或爲阿修羅王。或爲迦樓羅王。或爲緊那羅王。或爲

撰述

喜慶疏金卷十一

摩睺羅伽王。或爲人王。或爲梵王。或爲天身。或爲人身。或爲男子身。或爲女人身。或爲童男身。或爲童女身。悉以種種諸供養具。供養於彼一切如來。亦聞其佛所說諸法。

疏第三善財童子言聖者下。明發心久近。欲顯道根深故。先問後答。答中二。先長行中三。初於餘利海中發心修行。二然後命終下於娑婆界中修行得法。三善男子汝問於我下。結酬其問。今初分二。先於第一利塵劫修。後於第二利塵劫修。前中分五。初總顯利海。二此世界中下。別彰時處。三有佛數佛。皆悉供事。

名不退下。顯於初佛發心得定。此卽正酬發心之間。自此已去。皆顯修行得法。是知先問亦含問其得法久近。神名具足等者。亦表五地入俗。福智高勝故。四此道場中次有如來下。畧舉次前九佛。五善男子清淨光下。結畧顯廣。此舉一劫之中利塵數佛。皆悉供事。

從此命終還卽於此世界中生。經佛利微塵數劫修菩薩行。

疏二從此命終還卽下於第二利塵劫修行界。不異前故。云還卽劫時有異。言歷利塵。前雖數數命

撰述

華嚴疏妙卷十一

三

九

終今語前劫之末。是知前普光明幢劫。即是大劫。其中已含有利塵數小劫。此中但明塵數小劫。畧無大劫之名。二文影畧。故下結云。於二佛利微塵數劫中修菩薩行。是則前段一如來興義當一劫。若以普光明劫爲利塵之一。此命終之下。結成利塵之劫。則闕二字。故晉經言。於彼世界。經二佛利微塵數劫。方順下文二劫之言。一劫已有利塵之佛。則佛彌多矣。鈔二文影畧者。前有大劫之名。畧無小劫之數。故應影取後文小劫。此中但明小劫之數。畧無大劫之名。故應影取前文大劫。則共

有二佛利塵數劫。若以普光明劫爲利塵之一者。上以普光卽是大劫。於中以有利塵小劫。今爲小劫之名。積普光等小劫之數。經佛利塵。言闕二字者。合云從此命終還卽於此世界中生。經二佛利微塵數劫。故引晉經定有二字。言佛彌多矣者。向以普光爲大。大中有利塵之佛。今普光爲小劫。一小劫中已有利塵。經二利塵小劫之佛。故佛彌多也。

然後命終。生此華藏莊嚴世界。海娑婆世界。值迦羅鳩孫馱如來。承事供養。得三昧名離一切塵垢光明。

次值拘那含牟尼如來。承事供養。得二昧名普現一切諸利海。次值迦葉如來。承事供養。得三昧名演一切衆生言音海。次值毘盧遮那如來。於此道場。成正等覺。念念示現大神通力。我時得見。卽獲此念念出生廣大喜莊嚴解脫。

疏第二於娑婆世界修行得法中二。先舉此前三佛。後次值毘盧遮那。顯遇本師得今解脫。則前所得望此皆因於中二。先名體。

得此解脫已能入十不可說不可說佛刹微塵數法界安立海。

疏後得此解脫已下。明業用。此中業用。非獨事業良以前之四問皆業用。故此通包於中二。初標所入海數。鈔良以前之四問皆業用者。望於菩薩解脫門故。事業但是四中之一。

見彼一切法界安立海。一切佛刹所有微塵。一一塵土。皆有毘盧遮那如來坐於道場。於念念中成正等覺。現諸神變。所現神變。一一皆徧一切法界海。亦見自身在彼一切諸如來所。又亦聞其所說妙法。

疏後見彼一切下。明海中所見展轉深細。畧爲四

重。利海中塵。一塵中之利。三利中之佛。
又亦見彼一切諸佛。一一毛孔出變化海。現神通力。
於一切法界海。一切世界海。一切世界種。一切世界
中。隨衆生心。轉正法輪。

疏四。又亦見彼下。佛毛變化於中。二先通力演法。
我得速疾陀羅尼力。受持思惟一切文義。以明了智。
普入一切清淨法藏。以自在智。普遊一切甚深法海。
以周徧智。普知三世諸廣大義。以平等智。普達諸佛
無差別法。如是悟解一切法門。

疏後我得下。明夜神悟入於中有。一一總顯能所
悟。

一一法門中。悟解一切修多羅雲。一一修多羅雲中。
悟解一切法海。一一法海中。悟解一切法品。一一法
品中。悟解一切法雲。一一法雲中。悟解一切法流。一
一法流中。出生一切大喜海。一大喜海。出生一切
地。一地。出生一切三昧海。一一三昧海。得一切見
佛海。一一見佛海。得一切智光海。

疏二。一一法門下。明重重微細。於中。二先總顯十
重。後。一一智光下。別顯智光之用。今初有十重一
切。顯無盡法門。十中前五約所悟。一法門者。如般

若一門中。有多契經。二隨一契經。詮多深廣之法。謂含諸度等。三隨一深法。有多品類。四隨一類中。有多事法。其一一法。含旨如雲。五隨一根本法。雲。流出衆多支派。後五約能悟可知。鈔三隨一深法。有多品類者。如一施度。有九門等。四一一類中。有多事法者。如一外施。有多財寶等。五如一施食。有多支派。

一一智光海。普照三世。徧入十方。知無量如來。往昔諸行海。知無量如來。所有本事海。知無量如來。難捨能施海。知無量如來。清淨戒輪海。知無量如來。清淨堪忍海。知無量如來。廣大精進海。知無量如來。甚深禪定海。知無量如來。般若波羅蜜海。知無量如來。方便波羅蜜海。知無量如來。願波羅蜜海。知無量如來。力波羅蜜海。知無量如來。智波羅蜜海。知無量如來。往昔超菩薩地。知無量如來。往昔住菩薩地。無量劫海現神通力。知無量如來。往昔入菩薩地。知無量如來。往昔修菩薩地。知無量如來。往昔治菩薩地。知無量如來。往昔觀菩薩地。知無量如來。往昔爲菩薩時。常見諸佛。知無量如來。往昔爲菩薩時。盡見佛海劫海同住。知無量如來。往昔爲菩薩時。以無量身徧生利海。知

撰述

華嚴疏卷十一

十一

無量如來昔爲菩薩時。周徧法界修廣大行。知無量如來昔爲菩薩時。示現種種諸方便門。調伏成熟一切衆生。知無量如來放大光明。普照十方一切刹海。知無量如來現大神力。普現一切諸衆生前。知無量如來廣大智地。知無量如來轉正法輪。知無量如來示現相海。知無量如來示現身海。知無量如來廣大力海。彼諸如來從初發心乃至法滅。我於念念悉得知見。

疏二別顯智光之用者。是第十一重。但廣最後一重。功用無邊。則類前重重不可盡也。於中初句總

該橫豎後知無量如來下。別顯橫豎之中所知。於中五。一知如來因地之行。二知往昔超菩薩地下。知佛因地之位。三知爲菩薩時常見下。知因地作用。上三知因。四知無量如來放大光下。知果用。五。彼諸如來下。總知因果。

善男子。汝問我言。汝發心來其已久。如善男子。我於往昔過二佛利微塵數劫。如上所說。於清淨光金莊嚴世界中。爲菩提樹神。聞不退轉法界音。如來說法。發阿耨多羅三藐三菩提心。於二佛利微塵數劫中。修菩薩行。然後乃生此娑婆世界賢劫之中。從迦羅

撰述

華嚴疏錄卷十一

鳩孫馱佛至釋迦牟尼佛。及此劫中。未來所有一切諸佛。我皆如是親近供養。如於此世界賢劫之中。供養未來一切諸佛。一切世界一切劫中所有未來一切諸佛悉亦如是親近供養。善男子。彼清淨光金莊嚴世界。今猶現在。諸佛出現相續不斷。汝當一心修此菩薩大勇猛門。

疏第三結酬其問中三初結此前。次及此劫中下。類顯未來及於餘界後。善男子下。結勸修學。

爾時寂靜音海王夜神欲重宣此解脫義。爲善財童子而說頌言。

善財聽我說清淨解脫門。聞已生歡喜。勤修令究竟。我昔於劫海生大信樂心。清淨如虛空。常觀一切智。我於三世佛皆生信樂心。并及其衆會。悉願常親近。我昔曾見佛爲衆生供養。得聞清淨法。其心大歡喜。常尊重父母。恭敬而供養。如是無休懈。入此解脫門。老病貧窮人。諸根不具足。一切皆愍濟。令其得安隱。水火及王賊。海中諸恐怖。我昔修諸行。爲救彼衆生。煩惱恒熾然。業障所纏覆墮於諸險道。我救彼衆生。一切諸惡趣。無量楚毒苦。生老病死等。我當悉除滅。願盡未來劫。普爲諸羣生。滅除生死苦。得佛究竟樂。

撰述

華嚴疏卷十一

疏第二偈頌有十偈分三初一誠聽勸修次八正明昔行於中前四智行上供後四悲心下救後一結行分齊。

善男子我唯知此念念出生廣大喜莊嚴解脫如諸菩薩摩訶薩深入一切法界海悉知一切諸劫數普見一切利成壞而我云何能知能說彼功德行。

疏第四謙已推勝。

善男子此菩提場如來會中有王夜神名守護一切城增長威力汝詣彼問菩薩云何學菩薩行修菩薩道。

疏第五指示後友般若爲得佛之所特言菩提場般若若現則善守心城及一切智城萬行由生爲增威力。

爾時善財童子一心觀察寂靜音海王夜神身而說頌言。

我因善友教來詣天神所見神處寶座身量無有邊非是著色相計有於諸法劣智淺識人能知尊境界世間天及人無量劫觀察亦不能測度色相無邊故遠離於五蘊亦不住於處永斷世間疑顯現自在力不取內外法無動無所碍清淨智慧眼見佛神通力。

10 1 2 3 4 5 6 7 8 9

20

30

身爲正法藏。心是無碍智。既得智光。復照諸羣生。心集無邊業莊嚴。諸世間了。世皆是心。現身等衆生。知世悉如夢。一切佛如影。諸法皆如響。令衆無所著。爲三世衆生。念念示現身。而心無所住。十方偏說法。無邊諸刹海。佛海衆生海。悉在一塵中。此尊解脫力。時善財童子說此偈已。頂禮其足。繞無量市。殷勤瞻仰。辭退而去。

疏第六懲德禮辭中。初以心觀。次以偈讚。後以身禮。偈中十偈分四。初一明因友得見。次二寄對顯勝。次六當相顯勝。後一總結圓融。

爾時善財童子。隨順寂靜音海夜神教。思惟觀察。所說法門。一一文句。皆無忘失。於無量深心。無量法性。一切方便。神通智慧。憶念思擇。相續不斷。其心廣大。證入安住行。詣守護一切城夜神所。

疏第六守護一切城夜神。寄現前地。鈔寄現前地者。謂住緣起智。引無分別最勝般若。令現前故。見彼夜神。坐一切寶光明。摩尼王師子之座。無數夜神。所共圍繞。現一切衆生色相身。現普對一切衆生身。現不染一切世間身。現一切衆生身數身。現超過一切世間身。現成熟一切衆生身。現速往一切十方。

撰述

聖嚴疏錄卷十一

身現徧攝一切十方身。現究竟如來體性身。現究竟調伏衆生身。善財見已歡喜踊躍頂禮其足繞無量市於前合掌而作是言。聖者。我已先發阿耨多羅三藐三菩提心。而未知菩薩修菩薩行時。云何饒益衆生。云何以無上攝而攝衆生。云何順諸佛教。云何近法王位。唯願慈哀爲我宣說。

疏第二見彼夜神下。見敬諮問可知。

時彼夜神告善財言。善男子。汝爲救護一切衆生故。汝爲嚴淨一切佛刹故。汝爲供養一切如來故。汝欲住一切劫救衆生故。汝欲守護一切佛種性故。汝欲普入十方修諸行故。汝欲普入一切法門海故。汝欲以平等心徧一切故。汝欲普受一切佛法輪故。汝欲普隨一切衆生心之所樂雨法雨故。問諸菩薩所修行門善男子。我得菩薩甚深自在妙音解脫。

疏第三時彼夜神下。稱讚授法。先讚發心之相。後善男子我得下。正授法界於中三初標名體。二顯業用。三辨法根深。今初卽事契理。故曰甚深。權實無碍。蘊攝妙辨。稱爲自在。依此演法。普應羣機。是爲妙音。

爲大法師。無所罣礙。善能開示諸佛法藏。故具大誓。

撰述

華嚴疏錄卷十一

三

願大慈悲力。令一切衆生住菩提心故。能作一切利益衆生事。積集善根無有休息故。爲一切衆生調御之師。令一切衆生住薩婆若道故。爲一切世間清淨法日普照世間。令生善根故。於一切世間其心平等。普令衆生增長善法故。於諸境界其心清淨除滅一切諸不善業故。誓願利益一切衆生。身恒普現一切國土故。示現一切本事因緣。令諸衆生安住善行故。恒事一切諸善知識。爲令衆生安住佛教故。佛子。我以此等法施衆生。令生白法。求一切智。其心堅固。猶如金剛那羅延藏善能觀察佛力魔力。常得親近諸善

知識。摧破一切業惑障山。集一切智助道之法。心恒不捨一切智地。

疏二爲大法師下。顯其業用於中三。初總明。次別顯後結益。初中二。先十句彰法施之德。後佛子我以此等下顯法施之意。

善男子。我以如是淨法光明。饒益一切衆生集善根助道法時。作十種觀察法界。何者爲十。所謂我知法界無量。獲得廣大智光明故。我知法界無邊見。一切佛所知見故。我知法界無限。普入一切諸佛國土恭敬供養。諸如來故。我知法界無畔。普於一切法界海

中示現修行菩薩行故。我知法界無斷。入於如來不斷智故。我知法界一性。如來一音。一切衆生無不了故。我知法界性淨了。如來願。普度一切諸衆生故。我知法界徧衆生。普賢妙行悉周徧故。我知法界一莊嚴。普賢妙行善莊嚴故。我知法界不可壞。一切智善根充滿法界。不可壞故。善男子。我作此十種觀察法界。集諸善根。辨助道法。了知諸佛廣大威德。深入如來難思境界。

疏第二善男子。我以如是淨法下別顯業用。於中三初釋甚深。次釋自在。後釋妙音。初中三初總

標。次何者下。徵列。列法界中十種別義。約十種行顯之。以行必稱理。理由行顯故。謂一無分量。二無邊際。三無齊限。四無涯畔。五豎無斷絕。餘可知。後善男子我作下結前觀益。

又善男子。我如是正念思惟。得如來十種大威德陀羅尼輪。何者爲十。所謂普入一切法陀羅尼輪。普持一切法陀羅尼輪。普說一切法陀羅尼輪。普念十方一切佛陀羅尼輪。普說一切佛名號陀羅尼輪。普入三世諸佛願海陀羅尼輪。普入一切諸乘海陀羅尼輪。普入一切衆生業海陀羅尼輪。疾轉一切業陀羅

撰述

華嚴疏錄卷二十一

尼輪。疾生一切智陀羅尼輪。善男子。此十陀羅尼輪以十千陀羅尼輪而爲眷屬。恒爲衆生演說妙法。疏二。又善男子我如是正念下。釋自在義。謂總持權實故。各就所持立名可知。

善男子。我或爲衆生說聞慧法。或爲衆生說思慧法。或爲衆生說修慧法。或爲衆生說一有法。或爲衆生說一切有法。或爲說一如來名海法。或爲說一切如來名海法。或爲說一世界海法。或爲說一切世界海法。或爲說一佛授說海法。或爲說一切佛授記海法。或爲說一如來衆會道場海法。或爲說一切如來衆會道場海法。或爲說一如來法輪海法。或爲說一切如來法輪海法。或爲說一如來修多羅法。或爲說一切如來修多羅法。或爲說一如來集會法。或爲說一切如來集會法。或爲說一薩婆若心海法。或爲說一切薩婆若心海法。或爲說一乘出離法。或爲說一切乘出離法。善男子。我以如是等不可說法門爲衆生說。

疏三。善男子我或爲衆生下釋妙音義於中二先別明。後總結。今初有二十三句。初三約三慧。後二十句爲十對。約廣畧辨畧而言。一者通理通事。理

撰述

華嚴疏錄卷十一

一有者。二十五有理無二故事。一有者。同一有爲故。餘可思準。後我以如是等下總結。鈔二十五有理無二故者。偈云。四洲四惡趣。梵王六欲五無想。五那舍。四空并四禪。義如前釋。

善男子。我入如來無差別法界門海。說無上法普攝衆生盡未來劫住普賢行。善男子。我成就此甚深自在妙音解脫。於念念中增長一切諸解脫門。念念充滿一切法界。

疏第三。善男子。我入下。結益中二先別結甚深益。由入無差別故。住劫而不疲。後我成就下通結妙。

音自在。總持故增長解脫。妙音故充滿法界。

時善財童子白夜神言。奇哉天神。此解脫門。如是希有。聖者證得。其已久如。夜神言。善男子。乃往古世。過世界轉微塵數劫。有劫名離垢光明。有世界名法界功德雲。以現一切衆生業摩尼王海爲體。形如蓮華。住四天下微塵數香摩尼湧彌山網中。以出一切如來本願音蓮華而爲莊嚴。湧彌山微塵數蓮華而爲眷屬。湧彌山微塵數香摩尼以爲間錯。有湧彌山微塵數四天下。一一四天下。有百千億那由他不可說不可說城。

撰述

華嚴疏錄卷十一

疏第三時善財童子下。辨法根深先問後答。答中二。先辨初劫修行後從是已來下類顯多劫成益今初分二。一總舉利劫。言世界轉者謂世界爲塵一塵一利復末爲塵故亦猶無量無量爲一無量轉等。若取廻轉形世界塵者何以偏取此形。善男子彼世界中有四天下名爲妙幢中有王都名普寶華光去此不遠有菩提場名普顯現法王宮殿湧彌山微塵數如來於中出現。

疏二善男子彼世界下別彰遇佛於中四初總舉佛數興處。

其最初佛名法海雷音光明王彼佛出時有轉輪王名清淨日光明面於其佛所受持一切法海旋修多羅佛涅槃後其王出家護持正法法欲滅時有千部異衆千種說法近於末劫業惑障重諸惡比丘多齋鬪諍樂著境界不求功德樂說王諭賊諭女諭國諭海諭及以一切世間之諭時王比丘而語之言奇哉苦哉佛於無量諸大劫海集此法炬云何汝等而共毀滅作是說已上升虛空高七多羅樹身出無量諸色燄雲放種種色大光明網令無量衆生除煩惱熱令無量衆生發菩提心以是因緣彼如來教復於六

萬五千歲中而得興盛時有比丘尼名法輪化光是此王女百千比丘尼而爲眷屬聞父王語及見神力發菩提心永不退轉得三昧名一切佛教燈又得此甚深自在妙音解脫得已身心柔軟卽得現見法海雷音光明王如來一切神力善男子於汝意云何彼時轉輪聖王隨於如來轉正法輪佛涅槃後興隆未法者豈異人乎今普賢菩薩是其法輪化光比丘尼卽我身是我於彼時守護佛法令十萬比丘尼於阿耨多羅三藐三菩提得不退轉又令得現見一切佛三昧又令得一切佛法輪金剛光明陀羅尼又令得

普入一切法門海般若波羅蜜

疏二其最初下別明於佛得法三次有佛興下畧

舉次前百佛四善男子如是等下結畧顯廣二中分六一標佛現二彼佛出時下父王出家三法欲滅下惡世過興四時王比丘下減過弘闡五時有比丘尼下王女兒聞發心得法卽正答得法久近也六於汝意云何下結會古今

次有佛興名離垢法光明次有佛興名法輪光明髻次有佛興名法日功德雲次有佛興名法海妙音王次有佛興名法日智慧燈次有佛興名法華幢雲次

撰述

吉慶房錄卷十一

有佛興名法燄山幢王。次有佛興名甚深法功德月。
 次有佛興名法智普光藏。次有佛興名開示普智藏。
 次有佛興名功德藏山王。次有佛興名普門湏彌賢。
 次有佛興名一切法精進幢。次有佛興名法寶華功德雲。
 次有佛興名寂靜光明髻。次有佛興名法光明慈悲月。
 次有佛興名功德燄海。次有佛興名智日普光明。
 次有佛興名普賢圓滿智。次有佛興名神通智光王。
 次有佛興名福德華光燈。次有佛興名智師子幢王。
 次有佛興名日光普照王。次有佛興名湏彌寶莊嚴。
 相次有佛興名日光普照。次有佛興名法王功德月。

德月。次有佛興名開敷蓮華妙音雲。次有佛興名日光明相。次有佛興名普光明妙法音。次有佛興名師子金剛那羅延無畏。次有佛興名普智勇猛幢。次有佛興名普開法蓮華身。次有佛興名功德妙華海。次有佛興名道場功德月。次有佛興名法炬熾然月。次有佛興名普光明髻。次有佛興名法幢燈。次有佛興名金剛海幢雲。次有佛興名名稱山功德蓮華藏。次有佛興名栴檀妙月。次有佛興名功德蓮華藏。次有佛興名照一切衆生光明王。次有佛興名功德蓮華藏。次有佛興名香燄光明王。次有佛興名波頭摩華因。次

撰述

華嚴疏卷十一

有佛興。名衆相山普光明。次有佛興。名普名稱幢。次有佛興。名湧彌普門光。次有佛興。名功德法城光。次有佛興。名大樹山光明。次有佛興。名普德光明幢。次有佛興。名功德吉祥相。次有佛興。名勇猛法力幢。次有佛興。名法輪光明音。次有佛興。名功德山智慧光。次有佛興。名無上妙法月。次有佛興。名法蓮華淨光幢。次有佛興。名寶蓮華光明藏。次有佛興。名光燄雲山燈。次有佛興。名普覺華。次有佛興。名種種功德燄湧彌藏。次有佛興。名圓滿光山王。次有佛興。名福德雲莊嚴。次有佛興。名法山雲幢。次有佛興。名功德山光明。次有佛興。名法日雲燈王。次有佛興。名法雲名稱王。次有佛興。名法輪雲。次有佛興。名開悟菩提智光幢。次有佛興。名普照法輪月。次有佛興。名寶山威德賢。次有佛興。名賢德廣大光。次有佛興。名普智雲。次有佛興。名法力功德山。次有佛興。名功德香燄王。次有佛興。名金色摩尼山妙音聲。次有佛興。名頂髻出一切法光明雲。次有佛興。名法輪熾盛光。次有佛興。名無上功德山。次有佛興。名精進炬光明雲。次有佛興。名三昧印廣大光明冠。次有佛興。名寶光明功德王。次有佛興。名法炬寶蓋音。次有佛興。名普照虛

空界無畏法光明。次有佛興。名月相莊嚴幢。次有佛興。名光明燄山雲。次有佛興。名照無障礙法虛空。次有佛興。名開顯智光身。次有佛興。名世王德光明音。次有佛興。名一切法三昧光明音。次有佛興。名法音功德藏。次有佛興。名熾然燄法海雲。次有佛興。名普照三世相大光明。次有佛興。名普照法輪山。次有佛興。名法界師子光。次有佛興。名湧彌華光明。次有佛興。名一切三昧海師子燄。次有佛興。名普智光明燈。善男子。如是等湧彌山微塵數如來。其最後佛名法界城智慧燈。並於離垢光明劫中出興于世。我皆尊

重親近供養聽聞受持所說妙法。亦於彼一切諸如來所。出家學道。護持法教。入此菩薩甚深自在妙音。解脫種種方便。教化成熟無量衆生。從是已來。於佛利微塵數劫。所有諸佛出興於世。我皆供養修行其法。善男子。我從是來。於生死夜無明昏寐。諸衆生中而獨覺悟。令諸衆生守護心城。捨三界城。住一切智無上法城。

疏三畧舉四結廣及類顯成益文並可知。

善男子。我唯知此甚深自在妙音解脫。令諸世間離戲論語。不作二語。常真實語。恒清淨語。如諸菩薩摩

訶薩能知一切語言。自性於念念中。自在開悟。一切衆生。入一切衆生言音海。於一切言辭悉皆辯了。明見一切諸法門海。於普攝一切法陀羅尼。已得自在。隨諸衆生心之所疑。而爲說法。究竟調伏一切衆生。能普攝受一切衆生。巧修菩薩諸無上業。深入菩薩諸微細智。能善觀察諸菩薩藏。能自在說諸菩薩法。何以故。已得成就一切法輪陀羅尼故。而我云何能知能說彼功德行。

疏第四 我唯知下。謙已推勝中。先謙已知一畧顯四種業用。若約妙音釋。則不綺不離間。不妄不惡。口如次配之。若約甚深釋者。不與理合。皆名戲論。理外發言。卽是二語。既與理乖。則非真。非淨。反此可知。後如諸下。推勝知多。

善男子。此佛會中有王夜神。名開敷。一切樹華。汝詣彼問菩薩云。何學。一切智。云何安立。一切衆生。住一切智。

疏第五 指示後友分三。初指後位。次頌前法。後善財得益。今初開敷樹華者。約事在香樹閣內故。約位七地是有行。有開發無相住故。

爾時守護一切城主夜神。欲重宣此解脫義。爲善財

童子而說頌言。

菩薩解脫深難見。虛空如如平等相普見。無邊法界內。一切三世諸如來。

出生無量勝功德證入。難思真法性增長。一切自在智。開通三世解脫道。

過於利轉微塵劫。爾時有劫名淨光。世界名爲法燄雲。其城號曰寶華光。

其中諸佛興於世。無量湧彌塵數等。有佛名爲法海音。於此劫中先出現。

乃至其中最後佛。名爲法界燄燈王。如是一切諸如來。我皆供養聽受法。

我見法海雷音佛。其身普作真金色。諸相莊嚴如寶山。發心願得成如來。

我暫見彼如來身。卽發菩提廣大心。誓願勤求一切智。性與法界虛空等。

由斯普見三世佛。及以一切菩薩衆。亦見國土衆生。海而普攀緣起大悲。

隨諸衆生心所樂。示現種種無量身。普偏十方諸國土。動地舒光悟含識。

見第二佛而親近。亦見十方利海佛。乃至最後佛出

[撰述]

聖嚴正錄卷十一

三

四

五

六

七

興如是湧彌塵數等。於諸刹轉微塵劫。所有如來照世燈。我皆親近而瞻奉。令此解脫得清淨。

疏二頌中頌前法者。臨去殷勤囑令修學故。十一偈分二。初二偈頌前體用。餘頌顯法根深於中。亦二初頌初劫後一偈頌類顯多劫。前中二初三通頌初後次四別頌於初佛得法。後一頌中間百佛及後結文。

爾時善財童子得入此菩薩甚深自在妙音解脫故。入無邊三昧海。入廣大總持海。得菩薩大神通。獲普智藏身。威德光明住此衆。

了達法性如虛空。普入三世皆無礙。念念攀緣一切境。心心永斷諸分別。

了達衆生無有性。而於衆生起大悲。深入如來解脫門。廣度羣迷無量衆。

觀察思惟一切法。了知證入諸法性。如是修行佛智慧。普化衆生令解脫。

天是衆生調御師。開示如來智慧道。普爲法界諸含

識說離世間衆怖行。

已住如來諸願道。已受菩提廣大教。已修一切偏行力。已見十方佛自在。

天神心淨如虛空。普離一切諸煩惱。了知三世無量利。諸佛菩薩及衆生。

天神一念悉了知。晝夜日月年劫海。亦知一切衆生類種種名相各差別。

十方衆生死處。有色無色想無想。隨順世俗悉了知。引導使入菩提路。

已生如來誓願家。已入諸佛功德海。法身清淨心無碍。隨衆生樂現衆色。

疏三善財得益。雖通由前文。亦近由此於中先長行敘益。後觀察下。偈頌慶讚。十偈分四。初一讚福智超絕。次四歎悲智甚深。念念攀緣一切境。不碍分別事故。心心永斷。公別常契理故。又上句約觀下句約止。卽止觀雙運。了達無性。成無分別。而起大悲。成上攀緣。攀緣卽分別耳。不唯屬妄。次四總顯德圓。離障攝益。後一成行入位。

時善財童子說此頌已。禮夜神足。纔無量帀。殷勤瞻仰。辭退而去。

秀水縣在城報忠寺中隱房沙門道恒捨
淨資五兩八錢八分八厘刻此一卷上報

先師太月湖鑑和尚古方僕和尚覺靈願
其仗此勝力荷
佛冥加禪定參寂靜音海之解脫智慧證護
城夜神之光明直至成佛永不退轉

大方廣佛華嚴經疏鈔卷七十一 終

大方廣佛華嚴經疏鈔卷七十二

于闐國三藏沙門實叉難陀譯

清涼山大華嚴寺沙門澄觀撰述
入法界品第三十九之十三

爾時善財童子入菩薩甚深自在妙音解脫門修行
增進往詣開敷一切樹華夜神所。

疏第七開敷一切樹華夜神寄遠行地。鈔寄遠
行地者謂至無相住功用後邊出過世間二乘道
故。

見其身在衆寶香樹樓閣之內妙寶所成師子座上。

撰述

華嚴疏錄卷十一

百萬夜神所共圍繞。時善財童子頂禮其足於前。合掌而作是言。聖者我已先發阿耨多羅三藐三菩提心。而未知菩薩云何學菩薩行。云何得一切智。唯願垂慈爲我宣說。

疏初二可知

夜神言。善男子。我於此娑婆世界。日光已沒。蓮華覆合諸人衆等。罷遊觀時。見其一切若山若水。若城若野。如是等處種種衆生。咸悉發心欲還所住。我皆密護。令得正道。達其處所。宿夜安樂。善男子。若有衆生。盛年好色。憍慢放逸。五欲自恣。我爲示現老病死相。

令生恐怖。舍離諸惡。復爲稱歎種種善根。使其修習。爲慳惜者。讚歎布施。爲破戒者。稱揚淨戒。有瞋恚者。教住大慈。懷惱害者。令行忍辱。若懈怠者。令起精進。若散亂者。令修禪定。住惡慧者。令學般若。樂小乘者。令住大乘。樂著三界諸趣中者。令住菩薩願波羅蜜。若有衆生福智微劣。爲諸結業之所逼迫。多留礙者。令住菩薩智波羅蜜。若有衆生其心暗昧。無有智慧。令住菩薩智波羅蜜。

疏第三。夜神言下。授已法界於中四。一顯法行。二立法名。三明業用。四辨根深。今初亦是法門所

撰述

香嚴疏錄卷之二

作業用。對先問行。故總示其行。未舉法門之名。於中二光明安樂衆生行。後善男子若有下利益衆生行。令物斷惡修善故。於中先總後爲慳吝下。別顯十度治十蔽障。

善男子。我已成就菩薩出生廣大喜光明解脫門。

疏第二善男子我已成下立法名此有一意一望前稱已益物悲智之心。故生大喜。二者望後照佛攝生廣大悲智。故生大喜。

善財言。大聖此解脫門。境界云何。夜神言。善男子。入

此解脫能知如來普攝衆生巧方便智。云何普攝。善

男子。一切衆生所受諸樂。皆是如來威德力故。順如來教故。行如來語故。學如來行故。得如來所護力故。修如來所印道故。種如來所行善故。依如來所說法故。如來智慧日光之所照故。如來性淨業力之所攝故。

疏第三善財言下。明業用中。先問後答。問中以是業用分齊。故云境界答中三初總標謂知佛攝生之智爲業用分齊。二云何普攝下。畧顯普攝之相。謂一切佛樂。皆由佛得。故知佛攝。

云何知然。善男子。我入此出生廣大喜光明解脫。憶

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

念毘盧遮那如來應正等覺。往昔所修菩薩行海悉皆明見。

疏三云。何知然下廣顯巧方便智先徵可知後釋意云我見如來從因至果大悲巧攝故知樂由佛生於中二先總明。

善男子世尊往昔爲菩薩時見一切衆生著我我所住無明闇室入諸見稠林爲貪愛所縛忿怒所壞思癡所亂慳嫉所纏生死輪迴貧窮困苦不得值遇諸佛菩薩見如是已起大悲心利益衆生所謂起願得一切妙寶資具攝衆生心願一切衆生皆悉具足資生之物無所乏心於一切衆事離執著心於一切境界無貪染心於一切所有無慳惜心於一切果報無希望心於一切榮好無羨慕心於一切因緣無迷惑心起觀察真實法性心起救護一切衆生心起深入一切法漩渦心起於一切衆生住平等大慈心起於一切衆生行方便大悲心起爲大法蓋普覆衆生心起以大智金剛杵破一切衆生煩惱障山心起令一切衆生增長喜樂心起願一切衆生究竟安樂心起隨衆生所欲雨一切財寶心起以平等方便成熟一切衆生心起令一切衆生滿足聖財心起願一切衆

撰述

華嚴疏錄卷之四

四

生究竟皆得十力智果心。

疏後善男子世尊往昔下別顯於中亦二先發善巧普攝之心後起善巧普攝之行前中亦二先見發心之境沉苦集故後見如是下正發救心令得滅道於中先並起慈悲心後起觀察下雙運悲智。

起如是心已得菩薩力現大神變徧法界虛空界於一切衆生前普雨一切資生之物隨其所欲悉滿其意皆令歡喜不悔不恪無間無斷以是方便普攝衆生教化成熟皆令得出生死苦難不求其報淨治一

切衆生心寶令其生起一切諸佛同一善根增一切智福德大海菩薩如是念念成熟一切衆生念念嚴淨一切佛利念念普入一切法界念念皆悉徧虛空界念念普入一切三世念念成就調伏一切諸衆生智念念恒轉一切法輪念念恒以一切智道利益衆生念念普於一切世界種種差別諸衆生前盡未來劫現一切佛成等正覺念念普於一切世界一切諸劫修菩薩行不生二想所謂普入一切廣大世界海一切世界種中種種際畔諸世界種種莊嚴諸世界種種體性諸世界種種形狀諸世界種種分布諸世

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

撰述

華嚴疏錄卷十一

界或有世界穢而兼淨。或有世界淨而兼穢。或有世界一向雜穢。或有世界一向清淨。或小或大或龐或細。或正或側。或覆或仰。如是一切諸世界中。念念修行諸菩薩行。入菩薩位。現菩薩力。亦現三世一切佛身。隨衆生心。普使知見。

疏一起如是心已下。起普攝行中亦二。先別明利益衆生行。後善男子毘盧遮那下。雜明種種行。前中三初舉攝生行體。次以是方便下。明攝生本意。後菩薩如是念念下。辨攝生周徧。卽廣大意。善男子。毘盧遮那如來。於過去世。如是修行菩薩行。

時見諸衆生不修功德。無有智慧。著我我所。無明翳障。不正思惟。入諸邪見。不識因果。順煩惱業。墮於生死險難深坑。具受種種無量諸苦。起大悲心。具修一切波羅蜜行。爲諸衆生稱揚讚歎。堅固善根。令其安住遠離生死貧窮之苦。勸修福智助道之法。爲說種種諸因果門。爲說業報。不相違反。爲說於法證入之處。爲說一切衆生欲解。及說一切受生國土。令其不斷一切佛種。令其守護一切佛教。令其捨離一切諸惡。又爲稱讚趣一切智助道之法。令諸衆生心生歡喜。令行法施。普攝一切。令其發起一切智行。令其修

學諸大菩薩波羅蜜道。令其增長成一切智。諸善根海。令其滿足。一切聖財。令其得入佛自在門。令其攝取無量方便。令其觀見如來威德。令其安住菩薩智慧。

疏二雜明種種行中二。光明觀機。彰苦集無涯。後起大悲心下。顯修行無量。於中三。初總明化益。次爲說種種下。別明化法。後令諸衆生下。總結化意。善財童子言。聖者發阿耨多羅三藐三菩提心。其已久如。夜神言。善男子。此處難信。難知。難解。難入。難說。一切世間。及以一乘。皆不能知。唯除諸佛神力所護。

善友所攝。集勝功德。欲樂清淨。無下劣心。無雜染心。無諂曲心。得普照耀智光明心。發普饒益諸衆生心。一切煩惱。及以衆魔無能壞心。起必成就一切智心。不樂一切生死樂心。能求一切諸佛妙樂。能滅一切衆生苦惱。能修一切佛功德海。能觀一切諸法實性。能具一切清淨信解。能超一切生死瀑流。能入一切如來智海。能決定到無上法城。能勇猛入如來境界。能速疾趣諸佛地位。能卽成就一切智力。能於十力已得究竟。如是之人。於此能持。能入能了。何以故。此是如來智慧境界。一切菩薩尚不能知。况餘衆生。

撰述

華嚴疏錄卷十一

疏第四善財童子言下。辨法根深先問後答。答中
 一「先歎深許說」。乃往下承力正酬。前中二「先長
 行亦」。先歎深難知。後承力許說。前中四一標
 難知。非唯久遠難知。抑亦當時發心已得深法。滿
 佛境故。况無久近相。非常見聞故。難信。非聞慧境
 故。難知。非思修故。難解。難入。上皆心緣處滅故。難
 說者。言語道斷故。二一切下顯不知人三唯除下。
 捷去能知。卽善財之類。四何以故下。徵釋所以。以
 是佛境故。權教菩薩尚不能知。况前劣耶。

然我今者以佛威力。欲令調順可化衆生。意速清淨。
 欲令修習善根衆生心得自在。隨汝所問爲汝宣說。
 疏二然我今下承力許說。

爾時開敷一切樹華夜神欲重明其義。觀察三世如
 來境界而說頌言。
 佛子汝所問甚深佛境界難思刹塵劫說之不可盡。
 疏後爾時下偈頌二十一偈分二初十九偈頌歎
 深難說後二偈頌承力爲說前中四初一偈頌標
 深難說。

非是貪恚痴。憍慢惑所覆。如是衆生等能知佛妙法。
 非是住慳嫉。詣詎諸濁意煩惱業所覆。能知佛境界。

撰述

聖賢疏錄卷之二

九

非著蘊界處。及計於有身見倒想倒人能知佛所覺。疏一有二偈頌不知人。

佛境界寂靜性淨離分別。非著諸有者能知此法性。疏二有一偈超頌前釋以是佛境故惑者不知。生於諸佛家爲佛所守護持佛法藏者智眼之境界。親近善知識愛樂白淨法勤求諸佛力聞此法歡喜。心淨無分別猶如太虛空慧燈破諸闇是彼之境界。以大慈悲意普覆諸世間一切皆平等是彼之境界。歡喜心無著一切皆能捨平等施衆生是彼之境界。心淨離諸惡究竟無所悔順行諸佛教是彼之境界。

了知法自性及以諸業種其心無動亂是彼之境界。勇猛勤精進安住心不退勤修一切智是彼之境界。其心寂靜住三昧究竟清涼無熱惱已修一切智海因此證悟者之解脫。

善知一切真實相深入無邊法界門普度羣生靡有餘此慧燈者之解脫。

了達衆生真實性不著一切諸有海如影普現心水中。此正道者之解脫從於一切三世佛方便願種而出生盡諸劫利勤修行此普賢者之解脫。

普入一切法界門。悉見十方諸刹海。亦見其中劫成壞。而心畢竟無分別。

法界所有微塵中。悉見如來坐道樹。成就菩提化羣品。此無礙眼之解脫。

疏四有十四偈。總頌揀去能知。

汝於無量大劫海。親近供養善知識。爲利羣生求正法。聞已憶念無遺忘。

毘盧遮那廣大境。無量無邊不可思。我承佛力爲汝說。令汝深心轉清淨。

疏次第頌前佛力所護等。恐繁不配。說者隨宜。

善男子。乃在古世。過世界海微塵數劫。有世界海。名普光明真金摩尼山。其世界海中。有佛出現。名普照法界智慧山。寂靜威德王。善男子。其佛往修菩薩行時。淨彼世界海。其世界海中。有世界微塵數世界種一一世界種。有世界微塵數世界一一世界皆有如來出興於世。一一如來說。世界海微塵數修多羅。一一修多羅。授佛刹微塵數諸菩薩記。現種種神力。說種種法門。度無量衆生。

疏第二承力正酬中二。先長行亦二。先正說後結會古今。前中四。初總顯發心時處佛興。二善男子。

撰述

華嚴疏錄卷十一

十一

彼普光明下。別舉本生時處。二其中有王下。明發心勝緣。四時此會中有童女下。正顯發心本事。

善男子。彼普光明真金摩尼山世界海中有世界種名普莊嚴幢。此世界種中有世界名一切寶色普光明。以現一切化佛影摩尼王爲體。形如天城。以現一切如來道場影像。摩尼王爲其下際。住一切寶華海上淨穢相雜。此世界中。有須彌山微塵數四天下。有一四天下。最處其中。名一切寶山幢。其四天下。一縱廣十萬由旬。一一各有一萬大城。其闍浮提中。有一王都。名堅固妙寶莊嚴雲燈。一萬大城周帀圍繞。

闍浮提人壽萬歲時。

疏初二可知。

其中有王。名一切法音圓滿蓋。有五百大臣。六萬婦女。七百王子。其諸王子。皆端正勇健。有大威力。爾時彼王威德普被闍浮提內。無有怨敵。

疏三中有四。初明大王治化。卽鐵輪王。故云闍浮時。彼世界劫欲盡時。有五濁起。一切人衆壽命短促。資財乏少。形色鄙陋。多苦少樂。不修十善。專作惡業。更相忿諍。互相毀辱。離他眷屬。妬他榮好。任情起見。非法貪求。以是因緣。風雨不時。苗稼不登。園林草樹。

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

一切枯槁。人民匱乏。多諸疫病。馳走四方。靡所依怙。
 疏二時彼世界下。五濁爲因。感三災果。壽命短促。
 卽命濁資財下。衆生濁不修下。煩惱濁任情下。見
 濁劫濁則通。鈔五濁爲因。感三災果者。三災有
 二二小三災。謂饑饉。疾疫。刀兵。謂七年七月七日
 止。謂各是一七。二大三災。謂水火風壞於器界。今
 此是前經文具云。初明饑饉。以天不降澤故。二多
 諸疫病。即疾疫也。三馳走四方。靡所依怙。義兼刀
 兵。然三災復有一義。一約劫欲盡時人壽十歲等。
 二者少分。往往多起。今此約少分災耳。

咸來共繞王都大城無量無邊百千萬億四面周匝。
 高聲大呼。或舉其手。或合其掌。或以頭叩地。或以手
 捏胸。或屈膝長號。或踊身大呌。頭髮蓬亂。衣裳弊惡。
 皮膚破裂。面目無光。而向王言。大王大王。我等今者
 貧窮孤露。饑渴寒凍。疾病衰羸。衆苦所逼。命將不久。
 無依無救。無所控告。我等今者來歸大王。我觀大王
 仁慈智慧。於大王所。生得安樂。想得所憂想。得活命
 想。得攝受想。得寶藏想。遇津梁想。逢道路想。值船筏
 想。見寶洲想。獲財利想。升天宮想。
 疏三咸來共繞下。悲境現前。

接述

華嚴疏錄卷一

爾時大王聞此語已。得百萬阿僧祇大悲門。一心思惟。發十種大悲語。其十者何。所謂哀哉衆生。墮於無底生死大坑。我當云何而速勉濟。令其得住一切智地。

疏四爾時大王下。正明起行。於中一先深起大悲。鈔先深起大悲者。此悲心與第二地中集果多同。初一總明。謂二求衆生。皆墮無底生死深坑。難勉出故。

哀哉衆生。爲諸煩惱之所逼迫。我當云我而作救護。令其安住一切善業。

鈔餘九爲別。又分爲二。初一解邪。理外推求。總名爲邪。橫計世間常樂我淨。起貪等惑。故令住善業。哀哉衆生。老病死之所恐怖。我當云何爲作歸依。令其永得身心安隱。哀哉衆生。常爲世間衆怖所逼。我當云何而爲祐助。令其得住一切智道。哀哉衆生。無有智眼。常爲身見疑惑所覆。我當云何爲作方便。令其得決疑見翳膜。

鈔餘八行邪。於中別顯三求衆生。卽分爲三。初五悲。欲求衆生。次二悲。有求衆生。後一悲。邪梵行。求衆生。初中又二。前三悲現行。五欲受用。生過。後二

撰述

華嚴疏金卷十一

悲未得五欲追求生過。前中卽爲三別。一悲不共財衆生。欲資身命爲生老等苦之所逼迫。而不得安。令不著財。則心安矣。二悲受無厭衆生。內心難滿。恐得惡名。怖失財利。故令得佛因。三悲貯積財衆生。不能了達財多禍多名無智眼。決其疑見。卽爲方便。

哀哉衆生。常爲癡闇之所迷惑。我當云何爲作明炬。令其照見一切智城。哀哉衆生。常爲慳嫉詭詐所濁。我當云何而爲開曉。令其證得清淨法身。

鈔後中。癡闇所迷。下一門。悲未得五欲追求生過。

前三悲其所惑。此一悲其造業。前門悲求後報。造有漏善。如夜暗行。迷失道路。當示慧炬。後門悲求現報。造諸惡行。慳已所有。嫉他勝已。詣証求財。諸惑濁亂。若絕諸惡。則法身清淨。

哀哉衆生。長時漂沒生死大海。我當云何而普運度。令其得上菩提彼岸。哀哉衆生諸根剛強。難可調伏。我當云何而爲調御。令其具足諸佛神力。

鈔第二長時漂沒下一門。悲有求衆生。前門卽道差別爲五道循環。藏識漂溺。惑苦大海。故令昇彼岸。後門卽界差別。謂眼等諸根。六塵等牽。不得自

撰述

華嚴經卷十一

古

在無有出期。以佛威神引之令出。

哀哉衆生。猶如盲瞽。不見道路。我當云何而爲引導。
令其得入一切智門。

鈔第三以第十門悲邪梵行求衆生。行不正道。迷
無我理。隨逐邪見。乃至九十五種別故。引入智門。
上十悲中。皆有所對能治。畧以顯示。餘如二地。

作是語已。擊鼓宣令。我今普施一切衆生。隨有所須。
悉令充足。卽時頒下。闇浮提內大小諸城及諸聚落。
悉開庫藏。出種種物。置四衢道。所謂金銀瑠璃摩尼
等寶。衣服飲食。華香縷絡。宮殿屋宅。牀榻敷具。建大

光明摩尼寶幢。其光觸身。悉使安隱。亦施一切病緣
湯藥。種種寶器。盛衆雜寶。金剛器中。盛種種香。寶香
器中。盛種種衣。輦輶車乘。幢幡繒蓋。如是一切資生
之物。悉開庫藏。而以給施。亦施一切村營城邑。山澤
林藪。妻子眷屬。及以王位。頭目耳鼻。唇舌牙齒。手足
皮肉。心腎肝肺。內外所有。悉皆能捨。其堅固妙寶莊
嚴雲燈城。東面有門。名摩尼山。光明於其門外。有施
會處。其地廣博。清淨平坦。無諸坑坎。荆棘沙礫。一切
皆以妙寶所成。散衆寶華。熏諸妙香。然諸寶燈。一切
香雲。充滿虛空。無量寶樹。次第行列。無量華網。無量

一
攤述

聖嚴疏錄卷第十一

三

香網彌覆其上。無量百千億那由他諸音樂器。恒出妙音。如是一切。皆以妙寶而爲莊嚴。悉是菩薩淨業果報。於彼會中。置師子座。十寶爲地。十寶欄楯。十種寶樹。周市圍繞。金剛寶輪以承其下。以一切寶爲龍神像。而共捧持。種種寶物以爲嚴飾。幢幡間列。衆網覆上。無量寶香。常出香雲。種種寶衣。處處分布。百千種樂。恒奏美音。復於其上。張施寶蓋。常放無量寶燄光明。如闍浮金。熾然清淨。覆以寶網。垂諸瓔珞。摩尼寶帶。周迴間列。種種寶鈴。恒出妙音。勸諸衆生修行善業。時彼大王處師子座。形容端正。人相具足。光明

妙寶以爲其冠。那羅延身。不可沮壞。一一肢分。悉¹圓滿。性普賢善。王種中生。於財及法。悉得自在。辨才無礙。智慧明達。以政治國。無違命者。爾時闍浮提無量無數百千萬億那由他衆生。種種國土。種種族類。種種形貌。種種衣服。種種言辭。種種欲樂。俱來此會。觀察彼王。咸言此王是大智人。是福須彌。是功德月。住菩薩願。行廣大施。時王見彼諸來乞者。生悲愍心。生歡喜心。生尊重心。生善友心。生廣大心。生相續心。生精進心。生不退心。生捨施心。生周偏心。善男子。爾時彼王見諸乞者。心大歡喜。經須臾頃。假使忉利天

撰述

華嚴疏卷七十一

王夜摩天王。毘率陀天王。盡百千億那由他劫。所受快樂。亦不能及。善化天王。於無數劫。所受快樂。自在天王。於無量劫。所受快樂。大梵天王。於無邊劫。所受梵樂。光音天王。於難思劫。所受天樂。徧淨天王。於無盡劫。所受天樂。淨居天王。不可說劫。住寂靜樂。悉不能及。善男子。譬如有人。仁慈孝友。遭逢世難。父母妻子。兄弟姊妹。並皆散失。忽於曠野道路之間。而相值遇。瞻奉撫對。情無厭足。時彼大王見來求者。心生歡喜。亦復如是。善男子。其王爾時因善知識。於佛菩提解。欲增長。諸根成就。信心清淨。歡喜圓滿。何以故。此

菩薩勤修諸行。求一切智。願得利益。一切衆生。願獲菩提。無量妙樂。捨離一切諸不善心。常樂積集一切善根。常願救護一切衆生。常樂觀察薩婆若道。常樂修行一切智法。滿足一切衆生所願。入一切佛功德大海。破一切魔業惑障山。隨順一切如來教行。行一切智無障礙道。已能深入一切智流。一切法流。常現在前。大願無盡。爲大丈夫。住大人法積集。一切普門善藏。離一切著。不染一切世間境界。知諸法性。猶如虛空。於來乞者。生一子想。生父母想。生福田想。生難得想。生恩益想。生堅固想。師想。佛想。不簡方處。不擇

撰述

華嚴經卷十一

族類不選形貌。隨有來至。如其所欲。以大慈心。平等無礙。一切普施。皆令滿足。求飲食者。施與飲食。求衣服者。施與衣服。求香華者。施與香華。求鬘蓋者。施與鬘蓋。幢旛瓔珞。宮殿園苑。象馬車乘。牀座被褥。金銀摩尼。諸珍寶物。一切庫藏。及諸眷屬城邑聚落。皆悉如是。普施衆生。

疏後作是語已下。廣行大施。於中八一施令彌布。一其堅固下。施會大敷。二時彼大王下。施主超倫。四爾時闍浮下。施田雲集。五時王見彼下。施心殷重。六善男子其王爾時下。施願廣深。七已能深入下。施慧玄微。八不揀方下。施時均普。

時此會中。有長者女。名寶光明。與六十童女俱。端正殊妙。人所喜見。皮膚金色。目髮紺青。身出妙香。口演梵音。上妙寶衣。以爲莊嚴。常懷慚愧。正念不亂。具足威儀。恭敬師長。常念順行。甚深妙行。所聞之法。憶持不忘。宿世善根。流潤其心。清淨廣大。猶如虛空。等安衆生。常見諸佛。求一切智。時寶光明女。去王不遠。合掌頂禮。作如是念。我獲善利。我獲善利。我今得見大善知識。於彼王所。生大師想。善知識想。具慈悲想。能攝受想。其心正直。生大歡喜。脫身瓔珞。持奉彼王。作

撰述

是願言。今此大王爲無量無邊無明衆生作所依處。願我未來亦復如是。如彼大王所知之法。所載之乘。所修之道。所具色相。所有財產。所攝衆會。無邊無盡。難勝難壞。願我未來悉得如是。隨所生處。皆隨往生。爾時大王知此童女發如是心而告之言。童女隨汝所欲。我皆與汝。我今所有一切皆捨。令諸衆生普得滿足。

疏第四正顯發心本事中六。一發心身德。二時寶光明女下。正發大心同王心故。三爾時大王下。王發攝言。四時寶光明下女讚王德。五時彼大王下。

大王述讚。六王讚女已下。施行攝持。六中前三可知。

時寶光明女信心清淨。生大歡喜。卽以偈頌而讚王言。往昔此城邑。大王未出時。一切不可樂。猶如餓鬼處衆生相殺害。竊盜縱姪佚。兩舌不實語。無義麁惡言。貪愛他財物。瞋恚懷毒心。邪見不善行。命終墮惡道。以是等衆生。愚癡所覆蔽。住於顛倒見。天旱不降澤。以無時雨故。百穀悉不生。草木皆枯槁。泉流亦乾竭。大王未興世。津池悉枯涸。園苑多骸骨。望之如曠野。大王升寶位。廣濟諸羣生。油雲被八方。普雨皆充

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

撰述

聖經疏金卷第十一

洽。大王臨庶品。普斷諸暴虐。刑獄皆止措。惄獨悉安隱。往昔諸衆生。各各相殘害。飲血而噉肉。今悉起慈心。往昔諸衆生。貧窮少衣服。以草自遮蔽。饑羸如餓鬼。大王既興世。梗木自然生。樹中出妙衣。男女皆嚴飾。昔日競微利。非法相陵奪。今時並豐足。如遊帝釋園。昔時人作惡。非分生貪染。他妻及童女。種種相侵逼。今見他婦人。端正妙嚴飾。而心無染著。猶如知足天。昔日諸衆生。妄言不真實。非法無利益。詣曲取人意。今日羣生類。悉離諸惡言。其心既柔軟。發語亦調順。昔日諸衆生。種種行邪法。合掌恭敬禮。牛羊犬屯提。

類。今聞王正法。悟解除邪見。了知苦樂報。悉從因緣起。大王演妙音。聞者皆欣樂。梵釋音聲等。一切無能及。大王衆寶蓋。迴處虛空中。擎以瑠璃幹。覆以摩尼網。金鈴自然出。如來和雅音。宣揚微妙法。除滅衆生惑。次復廣演法。十方諸佛刹。一切諸劫中。如來并眷屬。又復次第說。過去十方刹。及彼國土中。一切諸如來。又出微妙音。普偏闇浮界。廣說人天等。種種業差別。衆生聽聞已。自知諸業藏。離惡勤修行。迴向佛菩提。

疏四女讚中三。初標心淨。次發口言。後展身禮。口

撰述

金剛經卷十一

言偈中五十二偈分二初二十五偈。總顯王德。後王父下二十七偈。顯王本生前中有四。初六偈明王未興時損。次二偈明王興世之益。三有十偈。翻損成德。卽翻十惡。四有七偈。明依正難思。

王父淨光明。王母蓮華光。五濁出現時。處位治天下。時有廣大園。園有七百池。一千樹繞。各各華彌覆。於其池岸上。建立千柱堂。欄楯等莊嚴。一切無不備。末世惡法起。積年不降雨。池流悉乾竭。草樹皆枯槁。王生七日前。先現靈瑞相。見者咸心念救世。今當出爾時於中夜。大池六種動。有一寶華池。光明猶日現。

五百諸池內。功德水充滿。枯樹悉生枝。華葉皆榮茂。池水既盈滿。流演一切處。普及闇浮地。靡不皆霑洽。藥草及諸樹。百穀苗稼等。枝葉華果實。一切皆繁盛。溝坑及堤阜。種種高下處。如是一切地。莫不皆平坦。荆棘沙礫等。所有諸雜穢。皆於一念中。變成衆寶玉。衆生見是已。歡喜而讚歎。咸言得善利。如渴飲美水。時彼光明王。眷屬無量衆。僉然備法駕。遊觀諸園苑。五百諸池內。有池名慶喜。池上有法堂。父王於此住。先王語夫人。我念七夜前。中霄地震動。此中有光現。時彼華池內。千葉蓮華出。光如千日照。上徹須彌頂。

撰述

華嚴經卷十一

金剛以爲莖。闍浮金爲臺。衆寶爲華葉。妙香作鬚榮。王生彼華上。端身結跏坐。相好以莊嚴。天神所恭敬。先王大歡喜。入池自撫鞠。持以授夫人。汝子應欣慶。寶藏皆涌出。寶樹生妙衣。天樂奏美聲。充滿虛空中。一切諸衆生。皆生大歡喜。合掌稱希有。善哉救護世。王時放身光。普照於一切。能令四天下。暗盡病除滅。夜叉毘舍闍。毒蟲諸惡獸。所欲害人者。一切自藏匿。惡名失善利。橫事病所持。如是衆苦滅。一切皆歡喜。凡は衆生類。相視如父母。離惡起慈心。專求一切智。關閉諸惡趣。開示人天路。宣揚薩婆若。度脫諸羣生。

我等見大王。普獲於善利。無歸無導者。一切悉安樂。疏後顯王本生中。四初四偈明先王世末。次八偈明王興先相。三有七偈正顯誕生。四有八偈生後之益。

爾時寶光明童女。以偈讚歎一切法音圓滿。蓋王已繞無量帀。合掌頂禮。曲躬恭敬。却住一面。時彼大王告童女言。善哉童女。汝能信知他人功德。是爲希有。童女。一切衆生。不能信知他人功德。童女。一切衆生不知報恩。無有智慧。其心濁亂。性不明了。本無志力。又退修行。如是之人。不信不知菩薩如來所有功德。

神通智慧童女汝今決定求趣菩提能知菩薩如是功德汝今生此闍浮提中發勇猛心普攝衆生功不唐捐亦當成就如是功德王讚女已以無價寶衣手自授與寶光童女并其眷屬一一告言汝著此衣時諸童女雙膝著地兩手承捧置於頂上然後而著既著衣已右繞於王諸寶衣中普出一切星宿光明衆人見之咸作是言此諸女等皆悉端正如淨夜天星宿莊嚴。

疏身禮及王讚述等可知。

善男子爾時一切法音圓滿益王者豈異人乎今毘

盧遮那如來應正等覺是也光明王者淨飯王是蓮華光夫人者摩耶夫人是寶光童女者卽我身是其王爾時以四攝法所攝衆生卽此會中一切菩薩是皆於阿耨多羅三藐三菩提得不退轉或住初地乃至十地具種種大願集種種助道修種種妙行備種種莊嚴得種種神通住種種解脫於此會中處於種種妙法宮殿。

疏第二善男子爾時一切下結會古今爾時開敷一切樹華王夜神爲善財童子欲重宣此解脫義而說頌言。

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

撰述

垂露真錄卷十一

我有廣大眼。普見於十方。一切利海中。五趣輪迴者。亦見彼諸佛。菩提樹下坐。神通徧十方。說法度衆生。我有清淨耳。普聞一切聲。亦聞佛說法。歡喜而信受。我有他心智。無二無所礙。能於一念中。悉了諸心海。我得宿命智。能知一切劫。自身及他人。分別悉明了。我於一念知。刹海微塵劫。諸佛及菩薩。五道衆生類。憶知彼諸佛。始發菩提願。乃至修諸行。一一悉圓滿。亦知彼諸佛。成就菩提道。以種種方便。爲衆轉法輪。亦知彼諸佛。所有諸乘海。正法住久近。衆生度多少。我於無量劫。修習此法門。我今爲汝說。佛子汝應學。

疏第二爾時下偈頌。但是總相顯。已能知。於中先九明能知後一結勸。

善男子。我唯知此菩薩出生廣大喜光明解脫門。如諸菩薩摩訶薩親近供養。一切諸佛入一切智大願海。滿一切佛諸願海。得勇猛智。於一菩薩地。普入一切菩薩地。海得清淨願。於一菩薩行。普入一切菩薩解脫門海。而我云何能知能說。彼功德行。善男子。此道場中有一夜神。名大願精進力。救護一切衆生。汝詣彼問。菩薩云何教化衆生。令趣阿耨多羅三藐三菩

10

1

2

3

4

5

6

7

8

9

20

1

2

3

4

5

6

7

8

9

30

1

2

3

4

5

6

7

8

9

10

11

12

撰述

提云何嚴淨。一切佛刹。云何承事。一切如來。云何修行。一切佛法。時善財童子頂禮其足。繞無數帀。殷勤瞻仰。辭退而去。

平湖信士馮洪業捐資四兩刻此一卷。伏願履祥介祉。稱性周圓。世世居福德之林。生生作法門之輔者。

大方廣佛華嚴經疏鈔卷七十二 終



10

1

2

3

4

5

6

7

8

9

20

1

2

3

4

5

6

7

8

9

30

1

2

3

4

5

6

7

8

9

テノ七